

# KAVULYA KA MUSHIPILITU



Jino Yami ngwafwelela, jino Yami  
ngwafwelela,  
Vyuma vyosena vinashiwa, jino Ngwafwelela;  
Jino Yami ngwafwelela, jino Yami  
ngwafwelela,  
Vyuma vyosena vinashiwa, jino Ngwafwelela.

<sup>2</sup> Echa etu tutwalileho kwimana chindende jino ha Lizu lya Mwata. Echa tufukununu kuli Amos, uze kapolofweto Amos, kapetulu 3, kuputukila ha vasi 1.

<sup>3</sup> Ngwatondo kusakwilila Ndumbu wapwevo Juanita na Anna Jeanne na Ndumbu wapwevo Moore, hakwimba myaso yamwaza. Echi changunehela cheka kunyima, shimbu Ngwatwamine kuze na kwivwulila kuli chize. Ngwapwile nakushinganyeka, omwo vakiko vapwilenga na etu, kwimba mu mujimbu, Ndumbu walunga Jack kaha Ngwapwile nakuhanjika, vaze vanyike vmapwevo vapwile vanyike vmapwevo, kupwa kaha sikisiteni, chumachimwe nge ngachize, kanyike wapwevo. Jino, Ngwashingtonyeka, Ndumbu wapwevo Anna Jeanne ali na vana vatanu, kaha Ndumbu wapwevo Juanita ali na—na . . . naye wa vana vavali. Kaha etu tuli vene hakamwihi na musana, mapwevo, kuhambakana etu twapwile jino, pamo na myaka sikisiteni. Kacheshi kushimbulako, etu natuya nakuzauka, luze lwola lwa upahu.

<sup>4</sup> Jino mu kapetulu 3, echa tutange.

*Enu vana va Isalele ivwenu lizu nahanjika YEHOVA hali enu, Enu vana va Isalele, hachisaka chosena ocho Ngwakandwishile . . . kufuma ku Ejipitu, ngwami,*

*Yenu kaha Ngunatachikiza . . . muvisaka vya hamavu vyosena: shikaho Nangukamizangamisa ha vilinga vyenu . . . vyenu vyakuhuka vyosena.*

*Kachi nge vavali kavalivwasanyineko, navatambuka hamwe numba?*

*Ndumba mwakumbwoka mumusenge, nge keshi na mukokoko numba? mwevu wa ndumba mwahanjika na lizu lyenyi lyakukanguka muifulwe wenyi, nge ikiye kakwachile nyamako numba?*

*Kajila mwafwila mumuheto hamavu oku vanazeneka kumutela likonga numba? Nakusowoka muheto hamavu, kaha chakuzeneka kukwata kanyama chakumukwata numba?*

*Kumana navemba luneta mwimbo chakuzeneka vathu kuchikima woma numba? kwimbo nakukasoloka lupi, chakuzeneka ou YEHOVA kuchilinga numba?*

*Chamwenemwene mwata Yehova...keshi kukalinga chumako, kuvanga nasolola lyehi mangana akusweka yenyi kuli vangamba jenyi vapolofweto.*

*Ndumba ali nakumbwoka lyehi, iyaze mwakahona kwivwa woma? mwata Yehova...na hanjika, hiya mwahona kupolofweta?*

Echa tunongamenu mitwe yetu.

<sup>5</sup> Mwata Yesu, echa echi, Lizu Lyove, Mwata, echa etu tupwenga na kulikata ufuku uno hano hachihanda. Etu twalombo, Mwata, nge Ove uyenga nakutuhana kutanga, mangana etu tuyenga kufuma hano, kaha echa echi chinehe kavumbi kuli Ove. Tukisule shimbu tuli nakuvandamina, Mwata, ufukuuno, ha Lizu Lyove. Hindula vakakuviza na vali nakuyanda. Lwila vanajimbala. Hana ngolo kuli vanazeye, Mwata, vaze vali nakuya nakuzeya, vosena kumujimba na ku shipilitu. Kaha tuhane etu Kupwa Chove chachinene, mwomwo etu twalombo echi mu Lijina Iya Yesu. Amena.

<sup>6</sup> Ngunafwila kumbata mutwe wachihande, kufuma muli echi ufukuno: *Kavulya Ka Mushipilitu.*

<sup>7</sup> Kanda kuvulyamako, hamene, echi chinapu kulomba hali vakakuviza hamene. Etu tuli nakuvandamina Mwata kulinga vyuma vyavinene, hamene na musana ha tu koloko, kuze etu...omwo etu natuputuka kutanga chetu. Ou kanyike walunga mwaya nakupwa hano nakuhana makati akulombelela. Kaha wosena mwaya nakuvalombelela uze natondo kupwa vakulembelela. Kaha etu tuli nakuvandamina lwola lwalunene, hamene, muli Mwata.

<sup>8</sup> Jino enu vathu hano, munatambukila kufuma mumbaka. Anuka, kuli kuwaha, full Gospel churches mumbongi yosena. Enu munapu vakutambwila kuli enu muli vakiko.

<sup>9</sup> Ngwawile kaha nakuhanjika kuli umwe hali mapashita jami, kuweluka, kwiza nakwingila, Ndumbu walunga Jackson, uze apwilenga muka liuka Iya Mesondisiti, kupwa mumbongi mokomoko vavali kwishi yetu.

<sup>10</sup> Kaha vangahi vali hano vali nakulinunga na mbalaka, echa tutale mavoko enu, kwosena. Yami, Ngunakunyuka—kunyuka kupwa nenu. Echi chikiko kuliwana chahakamwihi Ngukwechi muno mu Indiana ha tando yayindende. Nguli nakushinganyeka ha kwiza nakukinduluka, washi, kaha kuhaka mbalaka na kupwa na ji Ndolombita ja Chitanu nakavali, nge Mwata netava.

<sup>11</sup> Shikaho, jino, oloze anuka hamene. Kanda kuvulyama echiko, hamene ha tu koloko. Kaha, jino, kutanga chetu nachiya nakuputuka mulungu nawizaho, mu Tampa, Florida.

12 Jino Ngwatondo kuhanjika ha: *Kavulya Ka mu- . . . Shipilitu.*

13 Jino, ou mukweze wamundende uze etu tulinakuhanjikaho, Amos, chindende kaha, kupwa na chikuku shimbu kanda etu tupwenga na mutwe wachihande. Echi chapwilenga mulwola lwa kufukila chachinene mu Samaliya. Isalele nafukila. Vakiko vakavangijile vya kaye kaha vafukilile.

14 Keshi lwola lwosena kufukila chinapu chinjikizo cha kukisula cha mushipilitu, oloze lwola lumwe kulimbalaka. Vathu kushinganyeka pamo nge ove watela kupwa na vyuma vyavivulu vyakaye, kaha kusolola nge Kalunga ali na kukukisula ove. Echi kacheshi muchano ko. Lwola lumwe eyi ikiko jila ikwavo.

15 Oloze etu tunawane, ikiye, etu tunahono kutachikiza hali ou mukweze wamundende. Ikiye, etu katweshi na mujimbu wa mwaka, kuze ikiye afumineko. Etu tunatachikiza ikiye, kutesekesa na Chisoneka hano, ikiye napu kafunga, oloze Kalunga amusanyikile.

16 Ngunahase kushinganyeka kumona, halikumbi limwe lya kuzuma muze mu Samaliya, ize yapwile mbongi yimwe yapwile ya vangeji mukaye likumbi lize. Chili chumachimwe muchiyulo, etu natuya nakuhanjika, Miami, mokomoko—mokomoko Hollywood, Los Angeles, vihela vimwe nge ngachize, vihela vimwe vya ngeji. Kaha etu tunahase kaha kushinganyeka kumona ikiye. Ikiye kanda lyehi apwenga mumbongi. Oloze, ikiye apwilenga na Lizu lya Mwata, ikiye apwilenga nakwiza kuli eyi mbongi yayinene kuze shili vayifumishile kusali ikwavo. Vaze vakakuzata vosena vafumine mu Lizu lya Kalunga, kaha vakiko kavapwile na kapolofweto ko mumyaka yayisuku.

17 Kaha shikaho ou mukweze wamundende, nge omu ikiye ayile helu, kupwa kaha nge kunote ya Samaliya, Ngunahase kushinganyeka kumumona ikiye, chize kuzuma cha kumunyika cha musana kushikumuka, kaha na wele kuzezumuka kumeso eyi, kaha nameso eyi amandende kukehesamo, kaha mutwe wenyi waundende, mutwe walyanja nge omu atalile hamavu hali ize mbongi. Kaha meso eyi kukehesamo. Ikiye kapwile nakutala nge omu veji kutalanga vangeji vaze vakakutala tunyama, kuya kumbongi kaha kumona vyosena kaha kusasa cha kuwaha. Ikiye atalile kaha kumona chumamuka meso muka ize mbongi yineza nakupwa, mbongi ize lwolalumwe yapwile mbongi ya Kalunga, kaha engilile muchuma kana washiwashi nge ngachize. Shikangaho . . .

18 Ou wamundende, mukweze wakuhona kutachikiza apwile Amose uze kapolofweto. Kaha jino etu katwatachikijileko chikuma hali ikiye. Etu tunahono kutachikiza okwo ikiye afuma. Tupolofweto kakavulu kwiza nakusoloka, kuhona kutachikiza, seza jila yoyimwe. Etu katwatachikijile nge vakiko vafuma kulihi, kuli vakiko vali nakuya, katwatachikiza vikuku vyavo. Kalunga avakatula kaha vakiko. Ikiye kapwile chikuma na

kutala ko, oloze ikiye apwile MUKIKO MWANAMBE MWATA. Echi chikiko chuma chivene Ngwamwene. Mukikovene, ikiye kwiza ku Samaliya nakuputuka kwambulula. Ngunapu wakukunyuka ikiye keshi nakuzachila hamweko chakuzeneka muthu umwe. Ikiye kapwile nakati yakulikatako kufuma kukala chikungulwilo. Ikiye kapwile namapapilo atela kulwekesa nge nafumu mulizavu muka. Kaha, oloze, ikiye apwile na chuma chimwe, ikiye apwilenga na Lizu lya Mwata hali ize mbongi.

<sup>19</sup> Kaha Ngunalikomokela, kachi etu tunahase kuneha Amose, lelo, kwiza mulwola lwetu, Nangulikomokela kachi ikiye navaya nakumutambukisa mumbongi yetu lelo. Ngwalikomokela kachi etu natuya nakumutambula ikiye, mokomoko etu kulinga kaha nge vakiko valingile. Etu natuwana jimbongi jetu jili mukupola chochimwe. Kaha etu tunawane nge shili yinapu kaha yayinene mukachi ka vathu, nge omu yapwile. Kaha Ngwalikomokela, kachi ou wamundende, muthu wakuhona kutachikiza, mwaya ngachilihi nakuputuka ou mujimbu? Ngachilihi, ali nakuya nakuputuka? Liuka muka ikiye ali nakuya, mokomoko hiya ali nakuya nakupula na ikiye? Ikiye kapwile nachuma chakusolwesa oku afuma, ikiye kapwile nachuma chimweko shina MUKIKO MWANAMBE MWATA hali eyi mbongi.

<sup>20</sup> Ikiye avawanyine vakupola kaha vakulyenyeka, lwapwile lwola lwalunene. Mapwevo muli ize mbongi vejile nakupwa nge vakiko vali mu United States. Vakiko vejile nakupwa vakupola. Vyuma vyosena vize Kalunga napunga nakuvandamina kufuma muli vakiko, vakiko vayile mujila ikwavo. Kaha—kaha etu tunawane nge chapwile chihela chachinene kuze vakiko vapwilenga na danny mujila, vaze mapwevo kulizula mauvwalo avo, kaha navyangocho, nge mahule. Mukiko vene, yize yapwile chakukomwesa chahatoma mumakumbi avo, jino echi chinapu hakumbi hakumbi. Echa kaha ngonde yizuma yizuma, kaha ove kawatela kuya kukala chuma chakusolwesa. Vakiko vali mujila, kwosena, mwosena omwo. Sonyi hali enu mapwevo, kulinga chuma nge ngachize! Ove kaweshi nasonyiko hali ove lyavene?

<sup>21</sup> Kaha jino—kaha jino Ngwambile ngwami chize kuli pwevo hano, keshi hanyima chikumako, kaha ikiye ambile ngwenyi, “Mwomwoika,” ikiye ngwenyi, “Ndumbu walunga Branham,” ambile ngwenyi, “chize, chize—chize chili kaha nge mapwevo vosena.”

<sup>22</sup> Ngwambile ngwami, “Oloze etu katwatela kulinga nge vathu vosena ko. Etu twapwa vakuhandunuka. Etu tuli na—na vilinga vya kuhandunuka.”

<sup>23</sup> Chinakungwanukisa pwevo umwe, ambile ngwenyi, “Chamwaza, Ndumbu walunga Branham,” mukwavo weka aambile ngwenyi, “Kangwa—Kangwa—Kangwawala jize jiputulako.” Ambile ngwenyi, “Ngweji kuvwala mulukwe.”

24 Ngwambile ngwami, “Chize chachipi chikuma.” Hu! “Kalunga ambile ngwenyi, ‘Echi chinapu chaunyengwe,’ kumeso Eyi, ‘mwomwo pwevo kuvwala uvwalo wakupandama kuli lunga.’” Echi chili vene chakwoloka.

Umwe ngwenyi, “Chamwaza, vakiko kavatunga uvwalo wekako.”

“Vakiko hanga vali nakutongesa na kupwa na vyuma vya mwaza.”

25 Kakweshi kaleyelo. Echi chili kaha mukachi ka muchima. Omu mukiko chili nakusolola. Echi—echi chinasoloka chivene.

26 Kaha jino etu tunawane, muli ino mbongi, yejile nakupwa kupola. Vaze vakakunangula vapwile nawoma kuhanjika kalachuma hali echi. Kaha, oloze vakiko vapwile na kakandende, ou mukweze wamundende kwiza nakukanduka kupili, apwile nakwiza nakuvalweka MUKIKO MWANAMBE MWATA, “Kutomesa echi chuma kana, mokomoko ove muya nakwingila muufunge.” Kaha ikiye ayoyele amone makumbi apolofweto kuzalishiwa. Ikiye apolofwetele mumakumbi a Jeroboam Wamuchivali, uze apwilenga kaha wakumbila, mwosena omwo; ikiye—ikiye akafwile mafuchi akwavo. Kaha—kaha ou wamundende Amos apolofwetele na kuvalweka, ikiye ambile ngwenyi, “Uze vene Kalunga enu mweji kuvulukanga kuzachilanga, Ikiye mwaya nakukwenyeka.” Kaha Ikiye achilingile.

27 Kaha kachi lizu lyenyi kupwa hano ufuku uno, mu... mu Birmingham, nachiya nakutonda chuma chimwe mumauka. “Uze vene Kalunga enu mweji kuvulukanga kupwa na kuzata, mwaya nakukwenyeka likumbi limwe.” Kangweshi nakuhanjika kuli eli lizavu hano. Awa matepu kuya nakujinguluka kaye. Jino, anuka, ou unapu muchano.

28 Kahajino ikiye awanyine, omwo ikiye ejile mumbongi, nge ikiye... vyosena evi, Ngwalikomokela omwo ikiye evwile kutala na kumona chize kupola cha vathu ja Kalunga, kuli vaze ikiye vamutumine.

29 Ngwalikomokela kachi etu natuya nakumutambula ikiye jino? Kachi ikiye mweza nakwingila, natuya—natuya nakupula na ikiye? Etu tunahase kumuhana ikiye vyetu—vyetu vyamwaza? Etu tunahase kumuhana kupwa chetu? Natuya nakwalumuka kachi ikiye atulwekele etu nge etu twatela kuya nakukinduluka ku Lizu lya Mwata na kulinga mujila Mwata ahanjikile kulinga?

30 Ngwalikomokela chumamuka vandumbwetu vmapwevo navaya nakulinga hali jikambu javo jakuteula? Vakiko vanahase kwecha jikambu javo kukula cheka, kachi Amose kwiza? Ikiye mwaya na kunangula echi, kaha Nguli nakumilweka chize, mwomwo lize linapu Lizu lya Mwata.

31 Nguli—Ngulinakulikomokela kachi mazavu avakulwane jetu—jetu kuhaka vakauzata muliuka, vaze vanambate katatu mokomoko kapapa kawana, kaha—kaha na vyangocho nge ngachize, kaha kweseka kupwa vakakuzata muliuka, Ngwalikomokela kachi vyuma vyosena, Ngwalikomokela chuma ikiye mwaya nakulinga kuli muthu uze nahase kwecha pwevo lyenyi kuvwala jiputula na kulovoka nakuya mujila, kaha kukwapwa muchipango, kulovoka nakuchipango, omu muthu mwahita? Nangulikomokela cumauka ikiye mwaya nakuhanjika kuli uze lunga nge ngechize?

32 Ikiye mwaya vene nakuvuma vyosena vize vyapwilenga muli ikiye, mwomwo ikiye apwilenga MUKIKO MWANAMBE MWATA, kaha ikiye kahashile kulinga chuma chekako shina chize. Ikiye kuvawana muli lize likumbi na ukalu waupi wa musongo wa kavulya ka mushipilitu, kaha omu mukiko etu tuli nalelo.

33 Jino, ikiye atachikijile chuma muka nachiya nakusoloka? Nyi Amosi natachikiza ngachilihi? Chatete, ikiye apwile kapolofweto. Kaha, chuma chakushisaho, ikiye atachikijile kuhichila mumusongo uze vawanyine nge wapwile, kaha ikiye mwaya nakutachikiza nge ikiye chapwile.

34 Kachi ndotolo mwatala hali ufwa ka kumona uze ufwa usoko chikupu, ikiye atachikiza nge kakweshi chumako shina kufwa chinasaleko. Mukiko kaha, kuvangila Kalunga eji kulinga chuma chimwe hali echi.

35 Chamwaza, omwo enu namutala ha mbongi, kaha enu kutala hali vathu, enu namutala ha liuka, kaha kutala hali vathu vaze vali kwakusuku na Kalunga, kuze kwakweshi chumamako oloze kuutachikiza, “Shili! ‘Kaha fweto ya shili kufwa.’ Chinapu kufwa.” Chize kutachikiza cheji kwinjikiza chumamuka echi chili. Enu mwamono, omwo vathu navafuma kuli Kalunga kaha kaveshi kuhasa kwivwulila ku Lizu ko, keshi cheka na kufwila ha Lizu, jino kuli chimwe kaha chakutachikiza kuli echi, “Mwono uze unavulumuna, uze mwono naukaya nakufwa.’ Kuzeneka kufwelela mwakaya nakuhandununa ove kufuma kuli Kalunga.” Echi chili vene chakwoloka.

36 Chize, ikiye atachikiza musongo muka, chumamuka chasolokele, omu ikiye amwene uze musongo wa—wa shili muze mumbongi.

37 Jino, aka kavulya, etu vatulweka kanapu nge—nge—nge...mwomwo ove weji kusolokanga haze enu namuhona kulitachikiza enu vavene. Jino, chinapu chuma chaungeji. Kachavula kusolokako kakavulu, oloze mwomwo chinavumu mukulezumuka. Echi chinapu muthumwe ze katachikijileko napun hiya. Enu wanenu kufuma mujita, lwolumwe, maswalale kupwa na echi. Lwolalumwe vathu kupwa na echi. Chuma

chikwavo cheji kuchilingisanga echi, chili kulizakamina. Kulizakamina nachiya nakulingika.

<sup>38</sup> Kulizakamina kacheshi na ngolo kuli echiko, numba mumwe. Yaa, chili—chili kaha kulizakamina, na kwitavila lufwelelo.

<sup>39</sup> Muthuumwe ngwenyi, “Chamwaza, jino, kachi ove muya nakupwa wakulowa chimene, kaweshi kuhasa kulizakamina ko?”

Ngwambile ngwami, “Nduma, kanda kushinganyeka ngochoko.”

“Mwomwoika?”

Ngwambile ngwami, “Kulizakamina kacheshi kuhasa kulinga chuma chimweko oloze cheji kungulingisanga yami chikuma.”

“Chamwaza, kuwaha muka nachiya nakupwa na lufwelelo?”

Ngwambile ngwami, “Chinahase kungusokola yami.” Kaha echi chakwoloka, talenu.

<sup>40</sup> Shikaho kulizakamina kacheshi na ngolo kuli echiko, numba mumwe, oloze lufwelelo lunapu ngolo josena. Fwelela!

Jino kulizakamina lwolalumwe lweji kuneha aka.

<sup>41</sup> Kaha chumachikwavo cheji kunehanga echi mukachi ka vathu, kupwa mukachi ka vishinganyeka vivali. Chize nachiya nakuneka kavulya. Kaha nachiya nakupwa muchihela mوزه ove—ove, vene, chuma ove unalingi, ove unajimbalisa kushinganyeka chove. Ove unajimbalisa wongo wove. Ove kaweshi kuhasa . . . Ove unahono kutachikiza ove uhiya. Ove kaweshi kuhasa kulisolola ove lyavene. Ove unahase kutambuka nakujinguluka, kulya na vyuma vyosena, oloze, ove, hanga kaweshi kuhasa kulisolola ove lyavene. Enu mukwechi kutanga chauthu, enu munahase . . . kutanga chochimwe enu mwapwile nacho, oloze enu munahono kutachikiza okwo yafuma, ove unahono kutachikiza ove wapwa uhiya, wapandama kulih. Kaze kakiko kavulya, shikaho mukiko etu vatulweka.

<sup>42</sup> Etu tuli vakutachikiza na visaka vyetu, muli echi chiyoyelo cha muthu, ha kulimbata. Kaha na mapwevo jetu, etu kumbata, kaha chisaka chetu vanachinjikiza ha kulinunga chetu—chetu—chetu cha kulimbata. Kaha jino, kushinganyeka ngachilihi, ngachilihi nge echi chuma chachikalulu kusoloka kuli ove kaha ove kaweshi kuhasa kwanukako ove owo wambachile, pwevo lyove hiya, vava vove veva, nyi iso na mama yove veva, hiya walihata nenyi? Chize nachiya nakupwa nge—chuma chachikalulu.

<sup>43</sup> Kahajino etu tuli vakutachikiza, cheka, nahase kulisolola etu vavene mu muyachi wa muthu, ha kupwa na mangana na—na kupwa wakuhandunuka kufuma ku kuyoya cha kanyama. Uze kanyama keshi kuhasa kushinganyeka, ikiye eji kuya kaha

na kwivwakana. Ikiye keshi na mwonoko. Kaha, oloze, etu tuli kuyoya cha kanyama. Chuma muka cheji kutulingisa etu kupwa vakuhandunuka. . . . Etu twapwa tunyama, oloze chumamuka. . . . Uze mammal napu kanyama wa manyinga azuma, kaha etu twapwa muvifwanyisa vya kanyama. Oloze chuma muka cheji kutulingisa etu kupwa vakuhandunuka, etu vanatusoloka ha kupwa na mwono, chivezu chize cheji kutulweka chumamuka chakwoloka na chakuhenga.

<sup>44</sup> Jino kuli chihela, omu enu namupwa na kavulya, ove unahase kupwa nge Nevukataneza, omu chapwile, uze alizundwile lyavene lwola lumwe, kaha Kalunga echa ikiye kushinganyeka nge apwile kanyama. Kaha ikiye ayoyele muze mupambo na—na kulya nge ngombe. Kaha—kaha jikambu jenyi—jenyi zuzulu mujimba wenyi, nge mangona a ngonga, kaha ikiye ejile nakupwa na muchima wa chisuma muli ikiye. Talenu? Kaze kapwile kavulya, mwomwo ikiye avulyamine nge ikiye apwa mwangana. Ikiye avulyamine nge ikiye apwa muthu wakuyoya. Kaha ikiye ashinganyekele nge apwile kanyama, shikaho ikiye azachile nge kanyama, mwomwo ikiye avulyamine ikiye apwile muthu.

<sup>45</sup> Echi chinapu chachashi, lelo. Kaha etu kuvulyama, lwola lumwe, chuma muka Liuka lya Vakakulishitu. Etu kulinga nge kaye. Chize chinazolola nge etu tukwechi kavulya ka mushipilitu, mwomwo nge ove kaute kuzata nge Vakakulishitu. Ove zata nge kaye. Ove mutambula muchima wa kaye, kaha nauneha echi.

<sup>46</sup> Hno etu—etu tunawane nge Isalele kaha asolwele, kupwa wakutachikiza kukaye, kaha aholokele muli lizavu lya vakusehewa. Kaha ou kapolofweto vamutuminyine kufula, kachi ikiye ahashile, na kovalweka vakiko. Kalunga, ha likoji Lyenyi, kusakula Isalele kufuma ku visaka vyosena hano hamavu. Likoji linalingi ngocho. Ikiye avahanyine lifuchi lya kusakula. Ikiye avahanyine jizuvo vakiko kanda lyehi vapwenga najo. Kalunga alingile chize, kuvasakwile vakiko. Ikiye avahanyine mawande aze vakiko kanda lyehi vanehe. Ikiye—Ikiye avahanyine, Ikiye avahanyine kulya chize kanda lyehi vatumbe. Ikiye avahanyine mashima aze kanda lyehi vafule. Ikiye avahanyine kuhasa chize kanda lyehi vahase. Ikiye avahanyine likoji lize vakiko kalyaleleko. Kalunga alingile ngachize ha likoji Lyenyi hali vathu, va Isalele, Venyi vakusakula, Venyi vakuzanga.

<sup>47</sup> Kaha Ikiye ngwenyi, mu Mbimbiliya, “Ikiye amuwanyine muwande, nge kanyike wapwevo natwame mu manyinga eyi, kaha Ikiye amukosele nakumutomesa, kaha chuma Ikiye alingile. Oloze hanyima ya Kalunga kusolola vyosena eji jikeke kuli ikiye, kaha ikiye apwile lihando,” ikiye akwachile kavulya, kavulya, “kaha ikiye avulyamine vyosena vize vyuma kana vyafumine.”



48 Ngwashingtonyeka chize chinapu chifwanyisa cha U.S.A., 1964. Ali nakuyanda na musongo woumwe. Etu twapwa mauka amanene angolo. Etu twapwa vavanene, vathu vangolo. Etu tuli jimiliyoni ja nambala, kaha etu tunevwu kuze vyuma kana kwiza kufuma.

49 Vakiko vapwile na mulonga waunene wa echi. Hanyima ya Kalunga kupwa wamwaza kuli vakiko, kaha kuneha vakiko kufuma mulifuchi lya vakakuhona kutachikiza kalunga, kaha kuvalingisa vakiko vathu vakuhandunuka, kuvahandununa vakiko kuli Lyavene. Ikiye ambile ngwenyi, “Ikiye ambachile vinyo kufuma mulifuchi likwavo kaha autumbile mulifuchi likwavo, kaha omu Ikiye alijikile mangana likule nakuneha mihako kaha kupwa lyakwima mihako, oloze ize wanyine kuvulyama kuze yenji kufumisanga jikisu.”

50 Shikaho mukiko vathu ja Kalunga, mumakumbi akumakumishilo, vanavulyama unjiho wa kupwa Mukakulishitu kulumbununa. Echi ehinapu, kavulya kaneza nakupwa hali vathu. Vakiko kaveshi kuhasa kwitavila vaveneko.

51 Vakiko, vakiko kuvulyama vyosena hali Echi. Vakiko vapwile nakutanga Chenyi. Vakiko vavulyamine lushimbi Lwenyi. Mapwevo vapwile nakuyoya nge mapwevo vosena.

52 Liuka lya Kalunga na vathu Jenyi lwola lwosena, “Vathu vakuhandunuka, nge—nge vakusanyika, vathu vakulimanyina, lifuchi lyajila, upilishitu; kuhana milambu ya mushipilitu kuli Kalunga, mihako ya mivumbo yavo, kuhana kwalisa ku Lijina Lyenyi.” Kalunga avulukile Liuka Lyenyi na kulihandununa Echi kufuma kukaye, kupwa pungu kana. Kaha Ikiye ahanyine lushimbi, kaha Ikiye, Echi, chatela kupwa chakujila. Ikiye ambile ngwenyi, “Yami wajila, kaha ove watela kupwa wakujila, kaha chakuzeneka kujila naumwe muthu mwakaya nakumona Mwata.” Kalunga ambile ngwenyi chize, Lyavene.

53 Kaha Ikiye asanyikile ava vathu kupwa chifwanyisa cha vathu, oloze ikiye achivulyamine chize. Vakiko vanavulyama jishimbi Jenyi, kaha vakiko vanavulyama vilika vyenyi. Mapwevo muze mujila, mapwevo va Isalele kuya kuze, umwe wosena kuvandamina ku—kupwa nemita na Shipilitu Wajila, kuneha Meshiya, kaha jino kuzata nge ngachize. Vilinga vyavo vyapwilenga vyakwivwisa woma.

54 Ngwatondo kwimana hano mumunyutu, kuhanjika echi chinapu chuma chochimwe mukachi ka vathu, lelo, chize valivuluka vavene kupwa Vakakulishitu. Vilinga vyavo, kachi enu namuya nakutachikiza!

55 Lwola lumwe, mu South. Ngwatangile mujimbu kufuma hano, kuze omwo vakiko vapwilenga na vandungo. Vakiko kumbata vase vathu kaha kuvalanjisa ha chisakano, chochimwe nge omu muli nakulinga na minyau. Kaha jino kuze kwapwilenga mukakulanda, mukakulanda, mweza nakumbata

vaze vandungo kaha kuvalanjisa, kaha kupwa kaha nge enu namuya nakulinga na minyau mokomoko chumachimwe.

<sup>56</sup> Kaha vaze vandungo vapwile vakufuma kulifuchi lyavo. Vakiko vapwile nakufuma mulitungu lya Africa. Vaze ma Boers kuveva, kuvaneha kuno kumatungu, kaha jino kuvatungiwa vakiko mu United States na kuvalanjila vaze vandungo, kufuma ku Jamaica na kujinguluka.

<sup>57</sup> Jino etu kuwana vaze vathu vapwile vaushona. Vakiko vanavevi na kuvafumisa kumembo avo. Vakiko vanavambate kuli vakkole javo, kaha vakiko vali naushina. Vakiko kaveshi kuhasa kumona lunga lyenyi chekako, mokomoko pwevo lyavo cheka, sevo na naye, vana vavo. Vakiko vapwile vene... Vakiko vapwilenga nakuvaveta, na mingweji, kuvalingisa vakiko kuzata, mwomwo vakiko vapwile vathu vakushona.

<sup>58</sup> Kaha likumbi limwe, uze mukakulanda ejile kuwande umwe, ikiye amwene lizavu lya vandungo vali nakuzata. Kaha ikiye—ikiye ayile na kuhula mukakulwila, ngwenyi, “Vangahi vandungo ove ukwechi?”

Ngwenyi, “Pamo handulendi.”

Ambile ngwenyi, “Ove ukwechi kala chuma ove watela kutambasana mokomoko kulanjisa?”

Ikiye ambile ngwenyi, “Eyo.”

Ngwenyi, “Echa ngutale hali vakiko.”

<sup>59</sup> Kaha ikiye ayile muwande na kuvatala, kaha ikiye amwene vakiko kupwa nakuvaveta nakujinguluka. Kaha hanyima chindende, ikiye amwene mukweze walunga vakiko kavapwile nakumuvetako. Ikiye apwile na tulo yenyi yakuzunduka kaha chimboji helu; kapwile namukiki hali ikiyeko. Shikaho uze mukakulanda ambile ngwenyi, “Nangusaka kulanda uze ndungo.”

Kaha ikiye ambile ngwenyi, “Oloze ikiye keshi wakulanjisako.”

<sup>60</sup> Ikiye ngwenyi, “Chamwaza, chihandwa muka cha ndungo?” Ambile ngwenyi, “Uze ndungo ikiye mukulwane wavo vosena?”

Ikiye ambile ngwenyi, “Nduma, ikiye apwa kaha ndungo.”

Ikiye ambile ngwenyi, “Chamwaza, pamo enu namulisa ikiye kupwa wakuhandunuka.”

Ikiye ambile ngwenyi, “Nduma, ikiye ajikulya mulingolengole na vakwavo vosena vandungo.”

<sup>61</sup> Ikiye ambile ngwenyi, “Chamwaza, chuma muka chamulingishile ikiye kupwa wakuhandunuka kufuma hali vandungo?”

<sup>62</sup> Ikiye ambile ngwenyi, “Chamwaza, echi Ngwalikomokelele, nawa, lwola lwalusuku. Oloze likumbi limwe Ngwalinangwile, nge, kuze kulifuchi lyavo kuze ikiye ejile nakufuma, ise napu

mwangana wa muyachi wosena. Kaha chipwe ikiye napu mukakuzuzuma, kaha ali kwakusuku na limbo lyenyi, oloze ikiye atachikiza nge ikiye apwa mwana mwangana, kaha ikiye—ikiye eji kulisolola lyavene nge mwana mwangana.”

<sup>63</sup> Ngwashinganyekele, “Oloze, chize, kachi Negro kufuma ku Africa, kaha atachikijile nge ise apwile mukulwane wamuyachi kaha mwangana ha muyachi umwe, chuma muka chatela kulinga kuli Mukakulishitu uze wakusemuka chachihya, lunga mokomoko pwevo, nge Tata yetu napu Mwangana wa Mwilu mu Upahu!” Etu twatela kulisolola etu vavene kupwa Vakakulishitu vamaunga na mapwevo. Etu twatela kulinga ngachize, kuvwala nge ngachize, kuhanjika nge ngachize, kuyoya nge ngachize. Chipwe etu tunapu vangeji, oloze etu tunapu vana va Mwangana. Amena.

<sup>64</sup> Vilinga vyetu, vikungulwilo vyetu mumakumbi etu tuli nakuyoyelamo jino! Isalale aholokele nakwingila mwomumwe kaha kupwa wakuzeneka kalemesa. Vakiko vanavulyama jishimbi ja Kalunga, “Kanda ukalinga ujilako, kaha kanda ove fungulula pwevo lya owo walihata nenyiko,” kaha navyangocho. Vakiko vanavulyama jize jishimbi. Vakiko—vakiko—vakiko kavatondele echi chekako. Kaha vakiko—vakiko vatondele ku—kupwa nge kaye kosena, kupwa kaha nge liuka lili na lelo.

<sup>65</sup> Lwola lumwe, Isalele, omwo vakiko vaputukile, vatondele kupwa na mwangana hali chize. Samwele avalwezele vakiko, kapolofweto uze vamutumine kuli vakiko, ikiye ngwenyi, “Jino Ngwamilweka lyehi chuma chimwe mu Lijina lya Mwata oloze chuma muka chejile nakuhita?”

Vakiko vambile ngwavo, “Nduma, ove kaweshi nachoko.”

<sup>66</sup> “Kutala ngwamilomba lyehi kulya chenu na jimbongo, na jimbongo, nawa, mangana nguyoyeleho?”

<sup>67</sup> “Nduma, ove kawalingile ngachizeko. Ove kanda lyehi utulweke etu chuma chamokomoko, Samwele, oloze chejile nakuhita. Kaha ove kanda lyehi utulweke etu mali etu, a kuyoya chove. Oloze, oloze, etu twatondo mwangana, mwosena omwo.”

<sup>68</sup> Kalunga ahanjikile kuli Samwele, “Echa vakiko vapwenga na ikiye. Vakiko kavakukanyineko; vakiko vangukanyine Yami.”

<sup>69</sup> Isalele apwile na muli chize chifwanyisa chochimwe jino. Vakiko kavatondele tupolofweto ja Kalunga chekako. Vakiko kavatondele chizeko. Kaha kachi umwe mwahasa kwiza, na kuvaneha vakiko eli Lizu, kaha kweseka kuvaneha cheka ku Lizu, vakiko kukana Chize. Vakiko lwola lwosena veji kuchilinganga, mujila ya kupola.

<sup>70</sup> Omwo kaye na liuka kulinunga livene hamwe, kahajino vakiko kavatondele chuma chekako. Vakiko kavatondele MUKIKO MWANAMBE MWATA. Vakiko vanatondo chuma vakiko vanatondo. Vakiko vanatondo kaye, na kuhanjika nge

vakiko vapwa Vakakulishitu; kaha kuyoya muno mukaye, na kuyoya na kaye, na kuyoya nge kaye, kaha vatwalilaho chimbalanganyi chavo chakupwa Vakakulishitu. Unatachikiza, chuma omu chili, chinapu kavulya ka mushipilitu. Mukiko vene chili. Vakiko vanahono kutachikiza vakiko vanapu veya. Vakiko vanavulyama nge chuma vakiko vatelanga kulinga.

<sup>71</sup> Kachi umwe mwahasa kwiza lelo, nge ngachize, navakamukana mwomumwe. Vakiko vapwile na mulonga waunene wa echi, kaha shikaho vakiko vali lelo. Vakiko kavahashile kulisolola vavene na vyuma vyaukalunga, chekako, mwomwo vakiko kavatondele chizeko. Eli Lizu, ou Mujimbu wamwaza, vakiko kavatondele Echiko. Misongo yili nakuvayanjisa vakiko, kaha vakiko vazangile chize.

<sup>72</sup> Shili yamwaza kuli wakuzeneka kwalumuka mumuchima. Echi chinasoloka kuli wakuzeneka kwalumuka muvishinganyeka, oloze yinapu jila ya kufwa. Kakweshi chuma chinasaleko shina kufwa. “Fweto ya shili kufwa,” kaha enu mwatela kwaha ize fweto. Ove unatumbu kupeho, kaha jino kwaha kakundukundu.

<sup>73</sup> Evi vinjikizo vya mushipilitu na kunangula cha muluwa wakuwavisa kufuma kuli Kalunga, kanda avasunge vakiko cheka nawa. Uze pwevo nahase kuseha mumeso avo, na kuhanjika, “Kangwatela kuya nakwivwa vyakufwana ngachizeko.” Kachi echi kachasolokele nawa! Chumamuka echi? Kavulya ka mushipilitu, mukiko vene. Vakiko vanavulyama nge Kalunga na Lizu Lyenyi lili lyolimwe, kaha Ikiye keshi kuhasa kwalumukako Echi.

<sup>74</sup> Kachi kapolofweto asangukile hazevene mumakumbi na kuhana chinjikizo cha mushipilitu, lizu lya mushipilitu, kaha ahanyine lizu lya Kalunga kunyima yacho, vakiko navaseha hali Chize na kuseha hali Chize.

<sup>75</sup> Munatachikiza kuhanjika chahamwaka, “vileya veji kutambuka najisapto jakusongoloka jize Vangelo veji kwivwanga woma kulyatangila.” Ou ukiko kavulya ka mushipilitu kulinga. Echi cheji kulingisa vathu kwenyeka palanga vakiko kaveshi nakwivwa mukachi ka vakiko. Vakiko kavatondele chumachimwe cha mushipilituko.

<sup>76</sup> Mbata kuliwana cha mushipilitu, kuze kuli Shipilitu Wajila ali kuka vakakuviza kaha kutumbununa vishinganyeka vili mukachi ka muchima, na kuhaka echi mukachi ka mauka osena, Kupwa kaha nakukunguluka chachinene hano muno muchivaza, kaha kutala chumamuka chasolokele. Muminyutu yayindende, kalamuthu mwaya nakutambula na kutambuka nakuya. Vakiko kaveshi na chumako chakulinga na vize. Vakiko kavatondele chumachimwe chakulingako. vakiko nanvaya nakwivulila kuli vamwe vathu vakutanga kuhanjika.

<sup>77</sup> Oloze omwo nachiza ku Ngolo ja Yesu Kulishitu, na kusanguka Chenyi, na Shipilitu Wajila, vakiko vanatondo chumachimwe chakulinga na Echi, mwomwo cheji kupaisanga. Echi cheji kuvahaka hakakahya na vyuma vize vakiko vatela kutachikiza. Kwauchi kuzangamisa, mukiko vene, yinapu ngonde yamwaza. Oloze, echi, kachi ove muya nakuhana echi, echi—echi kuneha mihako ya kwalumuka nakupihilila. Shikaho etu tunawane, omu kavulya ka mushipilitu kukwata hali watu, jino vakiko vanapu—vakiko vanapu mu seteko yayipi. Jino etu tunawane chochimwe jino. Jino Ngwatondo ku . . .

<sup>78</sup> Ove watela kupwa wakusoloka. Kumwe, ove watela kusolola. Chiyoyelo chove chinasoloka, ufukuuno, kulihi ove uli wakulisolola. Enu vanamijivila hamwe chipwe na Kulishitu mokomoko kusali ya Kulishitu. Ove kaweshi chibwa mujilako. Kakweshi chuma kanako nge muthu mukakunwa wakuunda. Kakweshi kajila ulava utoma. Ove watela kupwa wakulwiliwa mokomoko ove kawalwilileko. Ove watela kupwa mukakujila mokomoko mukashili, umwe mokomoko mukwavo, kaha vilinga vya mushipilitu kutwala ku Lizu Iya Kalunga kulisolola vene okwo enu munemana. Chakwoloka!

<sup>79</sup> Lizu Iya Kalunga, kwinjikiza, kwinjikiza nge lujimiko Iwa Shipilitu Wajila ali chochimwe nge omu chapwile ha Likumbi Iya Pendekosita mokomoko kala lwola. Kaha Yesu Kulishitu apwa youmwe zau, lelo, na hayamyaka. Kaha vilinga vyove kutwala kuli Chize kusolola nge ove uli na tennea, mokomoko chiku. Echi chakwoloka. Chipwethuhu kachi ove wapwa mukakuzata muliuka, mokomoko numba kachi ove unapu mukakunangula, echi kacheshi kuhasa kulinga . . . Yaah, vakiko veji kuchitambula, nawa. Shikaho etu tunawane, echi chinapu kukungulula na kuveta chuma chosena. Jino etu tunatachikiza.

<sup>80</sup> Jino, kupwa ka America. Kupwa ka America, Ngwatela kupwa wakusoloka hamwe na lifuchi lyami. Jino ivwulilenu kanawa. Kupwa ka America, omwo Ngunapu wakusemuka muno mulifuchi, Ngweza nakupwa mwenyembo, kaha Nguli wakulisolola hamwe na eli lifuchi. Vyosena vili, Yami. Vyosena vize vyapwa, Yami. Mwomwo Nguli wakulisolola nge ka America, kahajino Ngwatela kumbata sonyi vosena, upahu wosena wenyi wosena. Kala chuma chili, Yami, mwomwo Nguli wakulisolola na echi. Amena. Ngwatondo enu kupwa nacho. Nguli wakusoloka nge mwenyembo wa America, jino vyosena vyapwile, Yami. Vyosena vili, Yami. Ngwatela kupwa chihanda cha echi. Ngukwechi . . . kachi Ngwapwa mwenyembo wa America, Ngwapwa chihanda cha America. Kaha vyosena vili, Yami.

<sup>81</sup> Ngwatela kuvulyama echi. Kachi Ngwatondo kupwa mwenyembo wa America wamuchano, Ngwatela kwanuka nge Yami omu lifuchi lyami, mwomwo Nguli wakutachikijiwa

hamwe na lifuchi lyami. Kumuvulyama ikiye, mokomoko—mokomoko...Kuzungisa ikiye, mokomoko kufwa hali ikiye, mokomoko kumwimanyinako wosena ikiye nemana, Ngwatela kwimana hali chize. Chumamuka lifuchi lyami lili, Yami. Lyemanyina ika, Ngwemanyina chochimwe. Kupwa wakushishika ka America, Nanguya nakupwa wakulizanga kufwa hali echi, kuzunga hali echi, kwimana hali echi, kulinga kala chuma chiliko. Ngwapwa chihanda cha echi. Ove kaweshi kuhasa kumbata chize chakuzeneka kumbata yami. Omwo ove muhanjika chumachimwe hali echi, ove muhanjika hali yami, mwomwo Ngwapwa ka America. Kuhanjika echi hali enu, nge va America, kaha chuma vakiko vahanjikile hali lino lifuchi, vakiko kuhanjika hali ove, mwomwo ove unapu chihanda cha echi. Kanda mukavulyama echi; omu ove mulinga, jino ove ukwechi kavulya, mukiko kaha.

<sup>82</sup> Kaha, anuka, ove unapu chikuma mweyembo wa America omu ove muhona kwiza nakupwa chihanda cha echi. Ove watela kupwa, chuma muka America, ove watela kupwa nawa. Ngwatela kupwa wakatambula hamwe naikiye. Eli linapu lifuchi lyami, Ngwatela kupwa lyakukola. Chuma muka ikiye ali, Ngwapwa. Talenu, chumauka ikiye apwile, Yami. Chipwethuhu chumamuka ikiye apwile, Yami hanga apwila ikiye.

<sup>83</sup> Kupwa ka America, Ngwamutuminyine ku Plymouth Rock, na ikiye, na vakakuluka jenyi. Ngwapwilenga nacho; Ngwapwa chihanda chenye. Ngwendele hamwe na Paul Revere, kuhuhumuna ikiye hali uze dan kukushindakana. Kachi Ngunapu mwenyembo wa America, Lifuchi lyahetele ku Plymouth Rock. Ngwendele hamwe na Paul Revere, kuhuhumuna ikiye hali ize ponde. Munatachikiza omwo Nguli nakulumbununa jino?

<sup>84</sup> Ngwazaukile icy Delaware, na George Washington, na maswalale jenyi vapundopundo. Ngwapwile kuze, mwomwo Nguli wakulisolola na eli lifuchi. Chuma ikiye alingile kuze kwapwile chihanda cha yami, chuma muka Nangulinga jino chihanda cha ikiye. Ngwalisolwele hamwe na Washington, kuze ku Delaware.

<sup>85</sup> Ngwemanyine na Stonewall Jackson, omwo wakusehewa vapwile wamunene hali ikiye, kaha vakiko vamuhulile, “Nawimana ngachilihi nge lilolwa lya mumbango, omwo chili chakusehewa?” Uze wamundende wa meso ausombo mukwezekutapula lukungu na jisapato jenyi, ikiye ambile ngwenyi, “Kangweshi ngunwe meya palanga Ngwasakwilila Kalunga Wakulitulaho hali echi.” Ngwatela kwimana nge lilolwa lya mumbango na ikiye. Ngwemanyine kuze na Stonewall Jackson. Kupwa ka America, Nguli wakusoloka hamwe na ikiye na kwimana chenye. Kuzauka Arey! Kuzunga jijita!

<sup>86</sup> Ngwemikile ize ndembele. Ngwapwile na vakiko omu

vakiko vemikile ndembele mu Guam. Hanyima ya masauzande ava maswalale vamu America kuhana chiyoyelo chavo, kaha omwo lize lizavu lyalindende kulaha kuze na kumbila ize ndembele, Ngwapwile wakulisolola hamwe ha kuzundula ize ndembele; enu vossena kutwapwile. Vaka venyembo vamu america valisolwelwe na ize ndembele yakusukama muze mu Guam. Omwo Ngwewwile nge vakiko vahakile ize ndembele kuze, masoji alinakuhita kumakili ami. Uze apwile yami. Uze apwile ove. Chize chalumbunuka etu vosena, omwo etu twasolokele kuze na chize.

<sup>87</sup> Vyosena ikiye ali, Yami. Upahu wenyi wosena unapu upahu wami. Sonyi yosena ya sonyi. Kachi ikiye nalingi sonyi, kahajino Nanguya nakutala hali ikiye. . .kwimana chenyi. Kachi ikiye mwatambula upahu, Ngwatambula upahu na ikiye, mwomwo Nguli wakulisolola hamwe na ikiye. Jino, kupwa wakusoloka hamwe, Vakamerica, mwatela kwimana ha sonyi ya Vakamerica yosena, Vakamerica vosena muupahu, mukiko ikiye apwile. Vyosena ikiye ali, mokomoko chuma ikiye mwaya nakupwa, ove walisolola na echi.

<sup>88</sup> Jino, kupwa Mukakulishitu wa muchano, ove watela kupwa youmwe. Etu katwazangile kuvulyama chizeko. Vyosena vize Ikiye apwilenga, Nguli wakusoloka hamwe na Ikiye. Nguli wakusoloka hamwe na Ikiye.

<sup>89</sup> Talisenu, kaha Ikiye ali muli yami, kaha Nguli muli Ikiye. Talisenu, jino, kala Mukakulishitu uze wamwenemwene Mukakulishitu wamwenemwene—Mukakulishitu, apwilenga na Ikiye, “Omwo vatanganyika va chimene vembile hamwe kaha vana va Kalunga vatambakanyine nakuwahilila, shimbu kanda kupwenga chikuku cha kaye.” Etu vatutachikijile hamwe na vyakuzeneka kupola na Kalunga, mummyaka teni miliyoni shimbu kanda kaye vakatenge. Ngwakindulukile kuze na Ikiye. Kachi Ngukwechi Kuyoya cha Hayamyaka, Ngwapwile kuze na Ikiye. Ngwalisolwele hamwe na Ikiye, “Omwo vatanganyika vachimene vembile hamwe kaha vana va Kalunga vatambakanyine nakuwahilila.”

<sup>90</sup> Ngwapwile na Ikiye omwo Ikiye asanyikile Apalahama ha seteko ya—ya myaka sevete faifi yakusemuka, kaha pwevo lyenyi kupwa sikisite faifi, kaha amulwekele ikiye nge mwaya nakupwa na kamba. Ngwapwile na ikiye omwo ikiye ambachile kwimana ha MUKIKO MWANAMBE MWATA, “Yami nanguya nakupwa na kamba.” Ngwemanyine na ikiye. Kala Mukakulishitu emanyine na ikiye. Ngwapwile na ikiye omwo vyeseke vyenyi kwiza. Ngwapwile na ikiye omwo ikiye ayile helu lya pili, nakuhana Isaka. Ngwapwile na ikiye omwo uze chizamba cha mukoko kusoloka.

<sup>91</sup> Ngwapwile na Yosefwa omu ikiye vamukanyine kuli vandumbwenyi vamaalunga, mwomwo ikiye apwile

mukashipilitu kaha vosena muli vakiko kupwa vakachisemwa. Ngwapwile na ikiye omwo ikiye atachikijile kutoleka ikiye atela kwimana hali vandumbwenyi vamaalunga. Chuma muka ikiye apwilenga, Yami. Chuma muka Yami, ikiye apwilenga. “Mwomwo etu vosena tuli muli Kulishitu Yesu.” Ngwapwile na Yosefwa muze muwina wenyi, chimbembe. Ngwapwile na ikiye omwo ikiye ayile kulivoko lya chilyo lya Fwalo. Ove watela kupwa wakusoloka hamwe na ikiye.

<sup>92</sup> Ngwapwile na Yakova uze ufuku omu ikiye azungile ufuku wosena na uze Kangelo. Ngunazungunga, amilyavene. Ngunatachikiza chuma muka ikiye ayile nakuhita. Shikaho Ngwalipakile na Yakova lwola lwolumwe ikiye alingile, mwomwo Yami ngundumbwenu.

<sup>93</sup> Ngwapwile na Mose omwo ikiye ayile ku Ejipitu. Ngwapwile na Mose kuze ku chiputa chakuwema. Kachi ove uli Mukakulishitu, ove uli wakusolola na vilinga vya Mbimbiliya. Kanda kuvulyama echiko! Ngwapwile na Mose omwo vathu vosena vakavangijile ikiye. Ngwapwile na Mose omwo ikiye azaukile Kalungalwiji Uchila. Omwo ikiye azundwile livoko lyenyi na kutambuka nakuya kulutwe, kaha uze Kalungalwiji Uchila kusokoloka, Ngwalisolwele muli Kulishitu hano vene, kaha Ngwapwile na Mose ha ola kana.

<sup>94</sup> Kala Mukakulishitu napunga, kala mukakufwelela napunga, kala mukakufwelela jino alisolola na uze muthu youmwe. Kalamwosena omu chili, ove watela kupwa wakulisolola. Kanda kuvulyama chizeko. Omu ove mulinga, ove ukwechi kavulya ka mushipilitu; ove ukwechi kuvulyama ove uhiya.

<sup>95</sup> Jino kulisolola hamwe na ikiye, na Mose, omwo ikiye azaukile kalungalwiji.

<sup>96</sup> Ngwapwile na Elija mumakumbi a Ahave, omwo vakiko vatelele kusakula hiya vakiko navaya nakuzachila, Kalunga mokomoko Mbalamu. Etu twapwile na ikiye ha Pili ya Ngamela, omwo ikiye atelele kusakula, mwomwo etu vanasolola mu Mujimba wa Kalunga youmwe uze ikiye apwilenga wakwinjikiza. Shikaho kachi etu tuli vakusoloka muli ou Mujimba, kahajino etu twatela kwanuka etu twapwile kuze na ikiye. Echi chakwoloka.

<sup>97</sup> Jino, Ngwapwile na Ndavichi, omwo ikiye vamuhungile kuli vandumbwenyi. Ngwapwile na Ndavichi; enu mwapwilenga, nawa, kachi ove unapu Mukakulishitu. Ove watela kupwa wakusoloka hamwe mu kukana chenyi.

<sup>98</sup> Ngwapwile na vana va Hepelewu, mulilungu lya kakahya, omu kaze—kaze kakahya kahonene kuvocha mwomwo Yakupwamo Muthu wamuchiwana.



<sup>99</sup> Ngwapwile na Ndanye, muze muwina wava ndumba. Ngwalisolwele muze, omwo Kangelo ka Mwata alisolwele ikiye muze.

<sup>100</sup> Ngwapwile umwe punduvene na Ikiye ku Kavali. Ngwatela kulisolola hamwe na Ikiye ha Kavali. Ngwatela kupwa kuze kuchihela, chize, kuze kakwapwile nawa Ngwalisolwele hamwe na Ikiye ku Kavali, Afwile na Ikiye ha Kavali. Kala Mukakulishitu atela kufwa na Ikiye ku Kavali. Kachi ove kaweshi kufwako na Ikiye ku Kavali, ove kaweshi kuhasa kupwa na Ikiye ko. Ngwapwile kuze omwo Ikiye afwile. Ngwamu afwile na Ikiye. Kaha jino Ngwapwile na Ikiye omwo Ikiye asangukile kufuma kuvafu. Ngwejile ha chimene cha Paseka na Ikiye, mu kusanguka. Kala chuma Ikiye alingile, Ngwapwilenga wakwoloka na Ikiye; mukakufwelela wosena apwile youmwe.

<sup>101</sup> Kaha jino Nguli nakutwama na Ikiye mu Vihela vya Mumelu muli Kulishitu Yesu, na ngolo josena ja hetese jafunguluka, kuhichila muli Ikiye. Kala mukakufwelela Mukakulishitu apwile natwame mujila yoyimwe, mwomwo ove watela kupwa wakusoloka.

<sup>102</sup> Jino Ngunawane amilyavene, mumakumbi akumakumishilo, na vavavulu Vakakulishitu vakufwelela, kulisolola mu mulimo Wenyi. “Ikiye apwa youmwe zau, lelo, na hayamyaka.” Ngunawane amilyavene, muli lino likumbi, kulisolola mu mulimo Wenyi. Ove uliwane ove lyavene mujila kana, kufwelela echi, kutambuka na echi? Talisenu, milimo ize Ikiye alingile, Ikiye ambile ngwenyi mukakufwelela mwaya nakulinga chuma chochimwe. “Eyi milimo Ngweji kuzatanga namukayilinga nayenu nawa.” Kahajino ove unahase kupwa wakusoloka hamwe na Ikiye? Kahajino omwo kutoleka nachiza ha Lizu, munahase kwimana kutoleka nge Ikiye alingile, talenu, kulisolola hamwe na Ikiye? Ngwalisolwele hamwe na Ikiye.

<sup>103</sup> Ngwapwile na Ikiye ha Likumbi lya Pendekosita. Ngwapwile na tumbaji kuze, kulisolola hamwe na vakiko mu lujimiko lwa Shipilitu Wajila.

<sup>104</sup> Ngunalikomokela kachi eli liuka kalyeshi na kavulya chikumako jino nge kaveshiko, kaha vamwe vavo, kanda numba kufwelela nge kuli chuma chimwe nge Shipilitu Wajila. Talenu liuka likwechi? Kala kuoihya cha kavulya! Talenu, vakiko vanavulyama nge nge apwile Yesu Kulishitu kukinduluka kuze. Vakiko vanavulyama Yesu Kulishitu apwile ika. Vakiko vanavulyama. Vakiko vashinganyekele Ikiye apwilenga kaha na—na kutengatenga, mokomoko kapolofweto, mokomoko na—na lunga wamwaza. Vakiko vavulyamine nge Ikiye apwile Kalunga. Vakiko vavulyamine nge Ikiye apwa youmwe zau, lelo, na hayamyaka. Kaha liuka likwechi ukalu waunene wa

kavulya ka mushipilitu. Vakiko vanavulyama vyuma evi. Vakiko kavachivwishishileko Echi chekako.

<sup>105</sup> Etu twatela kupwa na tumbaji ku Pendekosita, vakusoloka hamwe na vakiko. Ngwalisolwele hamwe na mujimbu wa Petulu ha Likumbi lya Pendekosita, mu Vilinga kapetulu 2. Ngwevwile omwo ikiye ahanjikile. Ngwafwelela chuma ikiye ahanjikile. Ngwamwonokele chuma muka ikiye ahanjikile. Jino Nguli wakulisolola muchuma chochimwe.

<sup>106</sup> Kanda kupwa na kavulya ka mushipilituko. Mwomwo, ove muya, ove muya nakulisolola ove lyavene na chumachimwe nawa. Twama vene na eli Lizu!

<sup>107</sup> Etu twapwile na Liuka omwo vamutumine kuli Yesu Kulishitu, mu Vilinga, kapetulu 16. “Yenunga kukaye kwosena, na kunangula Mujimbu wamwaza kuli tengeso yosena.” Ngwatondo kupwa wakusoloka kuze, “Kaye kosena, kuli tengeso yosena.” “Evi vinjikizo navikakavangiza vaze vakakufwelela,” vanahase kulisolola muli chize.

<sup>108</sup> Chamwaza, jino, ove unalisolola na chize, mokomoko ove ukwechi kavulya ka mushipilitu, nge ove muwana nge kawafwelela vize vinjikizo kukavangiza vakakufwelela? Talenu, kachi ove kaweshi kufwelela echiko, kahajino ove uli na tenne ya mushipilitu, talenu, ove unavulyama nge Kalunga ashikile echi. Ikiye ambile ngwenyi, “Evi vinjikizo navikavakavangizanga vaze vakakufwelela.” Kanda kuvulyama echiko. Ove kaweshi kuhasa kuvulyama echi na kupwa Mukakulishitu. Ove watela kupwa wakusoloka hamwe na echi.

<sup>109</sup> Ove watela kupwa wakusoloka hamwe na Mukakujila Yowano kapetulu 14, vasi 12. “Wosena mwafwelela na Yami, milimo eyi Ngulinakulinga naikiye nawa mwakayilinga.” Kanda kuvulyama echiko. Kachi ove mulinga, kahajino ove ukwechi kavulya ka mushipilitu. Ove unavulyama hiya. Ove unavulyama unjiho wove omu walumbunukila.

<sup>110</sup> Ngachilihi, Ikiye ambile ngwenyi, “Kachi enu namupwa muli Yami, kaha Lizu Lyami muli enu, enu munahase kulomba chuma muka ove muya nakulinga hali enu”? Ove walisolwele kuze, kufwelela nge ou unapu Muchano? Mako 11, omwo Ikiye ambile ngwenyi, “Kachi ove muhanjika kuli eyi pili, ‘tutuluka,’ kaha nauhona kukakasana mumuchima wove, oloze kufwelela nge chuma ove unahanjika nachiya nakusoloka, ove watela kupwa na ovyo unahanjika.” Unahase kulisolola haze, kufwelela nge ou unapu Muchano? Kachi kaweshi ngochoko, jino ove uli nakupwa na kavulya ka mushipilitu.

<sup>111</sup> Kaha—kaha ove unavulyama, ove unajimbalisa kupwa chove cha Mukakulishitu. Ove kaweshi kuhasa kwambulula oku wapandama. Ove ngwove, “Yami ngumuka Mesondisiti. Yami ngumuka Mbaputishiti. Omu mukiko Ngwatachikiza echi. Yami ngumuka Pendekosita. Yami *echi, chize, chipwe chikwavo.*” Tala

kanawa! Chize chinahase kulumbununa nge chinjikizo chili nakusoloka hali ove, nge ove watela kupwa na kavulya ka mushipilitu.

112 Ove ngwove, “Chamwaza, Ndumbu walunga Branham, Ngwa—Ngwafwelela *echi*, kaha Kangwa—Kangweshi numba...” Jino vandamina munyutu kaha. Kachi Kalunga ashikile kulinga vyuma kana, kaha ambile ngwenyi vakiko navakapwa mumakumbi akumakumishilo, kaha jishimbi jove najiya nakumilama, echi chinapu chinjikizo chamwaza Ngunahase kumona misongo hali ove. Echi chinapu kavulya ka mushipilitu. Ove unavulyama kulisolola ove lyavene na eli Lizu.

113 Ove muhanjika ngwove, “Kangwafwelela nge vakakuviza vanahinduka.” Ove ukwechi kavulya ka mushipilitu.

114 Enu ngwenu, “Kangwafwelela mulujimiko Iwa Shipilitu Wajila.” Kavulya ka mushipilitu!

115 Enu ngwenu, “Kangwa—Kangwafwelela nge Kalunga ashikile kulinga vyuma kana mumakumbi akumakumishilo.” Jino ove unevulila kujishimbi ja vathu, mokomoko kunangula chimwe, kachi ku Mbimbiliyako. Ove ukwechi kavulya ka mushipilitu. Ove unahono kutachikiza okwo ove wapandamako. Ove uli nakwitavila, “Mukakulishitu,” kaha kukana Lizu. Kukuneha kunyima cheka ku kavulya ka mushipilitu cheka, talenu, unahono kutachikiza oho unemanyina. Ove ukwechi kavulya ka mushipilitu. Ove kaweshi kuhasa kulisolola ove lyavene na Visoneka.

116 Ove watela kupwa na tumbaji. Ove watela kupwa na Chisoneka chosena, na Liuka omwo vachituma. Oloze, jino, omwo eli Liuka lyapwile wakituma, “Yenunga kukaye kwosena na kunangula Mujimbu wamwaza; evi vinjikizo navikakavangiza vaze vakakufwelela,” uze apwilenga kutuma chenyi. Jino vakiko vapwile... Chize chapwile kutuma.

117 Oloze vakiko vakwechi ukalu waupi wa kavulya ka mushipilitu, kupwa kaha nge Eva apwile nako... hali ikiye, kujinguluka kuhichila mu milemba, likumbi limwe. Jino ikiye ali nge Isalele, kuyanda kufuma musongo woumwe, musongo wakufuma kukutangisa cha mwakulila chize nachiya nakukuhana kavulya ka mushipilitu. Kupwa kaha na kutangisa cha mwakulila, kaha ove muya nakupwa na musongo, kaha jino, chuma chatete ove watela kutachikiza, ove muya nakupwa na kavulya vene kakapi. Ove kawafwelela kalachuma Mbimbiliya yahanjika.

118 Ou ukiko ukalu na liuka lelo. Ou ukiko ukalu etu katweshi kuhasa kupwa na kuhizumuka lelo. Ou ukiko ukalu na vathu lelo. Vakiko vanapu vakukoka chikuma ha makala a vyuma vimwe, kaha kala tato ize yosena kutoteka, palanga vakiko vanahono kutachikiza chuma chakwoloka na chakuhenga. Mukiko vene. Ikiye keshi kuhasa kwanuka Mwata wenyi ko.

Ikiye keshi kuhasa kwanuka Lizu Lyenyi. Ikiye keshi kuhasa kwanuka lushiko kanako.

<sup>119</sup> Uze wapwile kaha ukalu wapwile na va Isalele, omwo Yesu ejile haze vene. Vakiko kavahashile kwanuka, chize, “Pwevo kanda alimone na lunga mwakemita.” Vakiko kavahashile kwanuka nge Mose ambile ngwenyi, “Ou Yehova Kalunga kenu mwakaya nakukatula Kapolofweto wakufwana nge Yami.” Vakiko vapwile na kavulya ka mushipilitu.

<sup>120</sup> Omu mukiko liuka lili na lelo. Ikiye ambile ngwenyi, “Nachikaya nakusoloka kumakumbi akumakumishilo,” nge vyuma kana naviya nakusoloka, nge etu twamono echi kusoloka, kaha eli liuka lyatwama vene lya kufwa nge twolufu koloko. Chumamuka echi? Kavulya ka mushipilitu. Etu tweji kuvulukanga kupwa Pendekosita, kaha katweshi kuhasa kulisololako, kaha keshi kuhasa kulisolola etu vavene mu Lizu omwo Echi vachinangula mu ngolo ja kusanguka cha Kulishitu; kaha Ikiye hano mukachi ketu, kuzata echi, kaha kulinga vene muze Ikiye ahanjikile Echi nachiya nakulingika. Jino, tala, zachilo ya vikungulwilo yinatulingisa etu kwingila mu kavulya ka mushipilitu. Etu tuli nakuyanda. Etu tunahono kutachikiza oho etu twapandama. Umwe kumbata eli lipapilo kufumisa muku eli liuka nakutwala kuliuka *likwavo*, kaha eli liuka, kaha *aka* katato na *kaze* katato. Talenu?

<sup>121</sup> Chuma etu tunatondo, cheka, napu Amos kwiza nakusoloka, na MUKIKO MWANAMBE MWATA. Etu twatela kumutambula ikiye? Pamo nge vakiko valingile. Vakiko kavamutambile ikiyeko. Vakiko kachi kavamutambwile ikiye leloko. Ikiye kahashile kuhaka mutwe wenyi muchihelako, chipwe, kunangula. Jino, echi chinapu vene chakwoloka, mwomwo eli liuka lili nakuyanda na kavulya ka mushipilitu.

<sup>122</sup> Jino, mwomwoika? Kalunga ashikile mumakumbi akumakumishilo, “Omwo Mwana muthu navakamusolola,” kutesekesa na Luka, kapetulu 17, “ha chinjikizo chize chapwilenga nakusoloka mu Satome, nachiya nakusoloka cheka.” Kaha vathu kumona echi kulingika, kaha vamwe vavo kavahashile numba kufwelela echiko. Vakiko kushinganyeka nge visava. Vakiko kushinganyeka nge echi chinapu shipilitu ya liyavolo. Chumamuka echi? Vakiko kuyanda na kavulya ka mushipilitu. Echi chili vene. Vakiko vahonene kwivwushisa Mwata. “Yesu Kulishitu apwa youmwe zau, lelo, na hayamyaka.” Chuma muka Ikiye apwilenga jino, Ikiye ali jino.

<sup>123</sup> Oloze, chuma muka chasolokele, kuhona kaha kulisolola etu vavene hamwe na Lizu. Mwomwoika? Ikiye, ikiye katachikijile nge ikiye napu mwakunokela mokomoko ikiye kupwa liuka. Ikiye katondele kupwa vavuluka kupwa mwakunokela, kaha ikiye kaveshi kuhasa kumuvuluka kupwa liuka; mwomwo, hakumivuluka kupwa liuka, namuhasa kulisolola lyavene

kupwa Kulishitu. Chize nachipwa kavulya ka mushipilitu. Kaha ikiye katondele kumuvuluka kupwa kuunokelo. Shikaho echi kacheshi liuka lya Pendekosita ko, liuka lya Mesondisiti, liuka lya Mbaputishiti; echi munapu unokelo wa Chipendekosita, unokelo wa Chimesondisiti, unokelo wa Chimbambutishiti, mwomwo ikiye keshi kuhasa kupwa wakusoloka na eli Lizuko. Kaha omu eli Lizu linasoloka, vakiko hanga kavafwelela Echiko. Ou unapu musongo, kavulya ka mushipilitu. Kaveshi kuhasa kulisolola vaveneko; vakiko kavatachikijileko okwo vali. Echi chakwoloka.

<sup>124</sup> Echi chili vene nge kufutula chumachimwe. Nge omu Ngunahase kuhanjika, “Ngweji kushinganyekanga lwolalwosena umwe wa uze umama umwe Ngwamonanaho lyehi shina chimbulu.” Talenu, ikiye napu wakufutula. Talenu, naye apwilenga kavalu, ise apwile chimbulu, kaha ikiye katachikizako okwo apandama. Kaha chuma chatete munatachikiza, enu—enu—enu—enu munahase kumusemesa na chimbulu, kaha jino . . . mokomoko kupwa mule, oloze mule keshi kuhasa kulisema chekako. Talenu, ikiye kachilingileko. Ove kaweshi kuhasa kumunangula ikiyeko. Ikiye apwa umwe wakuzeneka mangana. Ove kaweshi kumulweka kalachuma . . . Ove unahase kumuhaka matwitwi amasuku kaha amanene. Kaha ikiye mwaya nakuvandamina palanga na kulikumbi lyenyi lya kuyoya, shimbu kanda ikiye afwenga, kukutapula ove. Mukiko kaha. Ikiye lwola lwosena eji kuvandaminanga chuma chimwe hali ove, kachi ikiye nahase.

<sup>125</sup> Kaha chize cheji kungushinganyekesa vyavivulu chikuma kumuvuluka kupwa Mukakulishitu wakusakisa. Vakiko vakwechi liuka lya kusakisa palanga vakiko kupwa na musongo wa kavulya ka mushipilitu. Vakiko kaveshi kuhasa kulisema chuma chekako.

<sup>126</sup> Vakiko kuhanjika ha kusakisa. Linona lya kusakisa keshi chumako. Echi chinapu chuma chachipi ove muhaka mukanwa kove, kalachuma chakusakisa. Ou ukiko mulonga ove watela kumbata mitondo waktumba, kaha yakusakisa, kaha kuyisapwila kaha kuhaka vitumbo na kulela. Mwomwoika? Mwomwo vakiko kuhasa kulifumisa uvene tututu ko.

<sup>127</sup> Oloze wamwenemwene, mutondo wakulisokela, ove unahono kutachikiza namwakuhakila vitumbo hali ukiko. Ikiye akwechi Ngolo mukachi ka lyavene, kulama vase tututu kufuma muli ikiye. Omu mukiko chapwa nge unatondo kufumisa tututu twakuzeneka kufwelela hali muthu wamwenemwene wakuzala na Shipilitu.

<sup>128</sup> Mbata mulu wamwaka, kaha ove yako ukahanjike kuli ikiye, ngwenyi, “Hanjika, kanyike walunga, Ngwatondo ove kulinga echi, chize.”

129 Ikiye mwaya nakutwama kuze, “Hwo! Hwo! Hwo!” Aze matwitwi amanene kukatuka helu nahamavu. Ngunamono nge—nge Vakakulishitu vavavulu hali nge ngachize, valivuluka.

130 Enu ngwenu, “Yesu Kulishitu youmwe zau, na hayamyaka. Evi vinjikizo navikakavangiza vaze vakakufwelela.”

131 “Hwo? Ngwafwelela makumbi avikomwesa ahita lyehi. Hwo? Hwo? Hwo?” Talenu, ikiye katachikijileko nomu ikiye afwelelele. Ikiye katachikiza chuma chimweko. Ikiye katachikijileko okwo afuma; ikiye katachikizako okwo ali nakuya. Ikiye akwechi kavulya ka kakavalu. Ikiye katachikiza noku afumako, kaha ikiye keshi kuhasa kuya nakutwalilaho.

132 Oloze Ngwazanga vene mutondo wamwenemwene. Mamalelo, ikiye apwa wakalemesa. Ove unahase kuhanjika kuli ikiye. Ikiye atachikiza ise apwile hiya, naye apwile hiya, hiya kaka yenyi walunga na kaka wapwevo apwile hiya. Ikiye akwechi mamapilo akusemunuina chenye akulwekesa oku afuma.

133 Kaha Ngwazanga ise na Mukakulishitu, uze nahase kuya kunyima naku Lizu lya Kalunga, ku likumbi lya Pendekosita, kaha kulisolola vavene kuze na vakakujila, kuze Ngolo ja Shipilitu Wajila kwiza hali vakiko. Uze ikiye ukwechi ise na Mukakulishitu. Ikiye atachikiza okwo afuma. Ikiye keshi wakulisolola hamwe na Mesondisiti, Mbatutishiti, mokomoko chuma cheka. Ikiye ali wakwinjikiza mu Lizu lya Kalunga. Ikiye atachikiza vene okwo ikiye emanyine. Aze Manyinga a Ise ali nakuhingunuka muli ikiye; Manyinga a Yesu Kulishitu. Ikiye atachikiza chuma Echi cheji kulinganga! Ikiye afwelela Lizu lyosena. Kalunga eji kuzata kuhichila muli ikiye na kwinjikiza echi na vinjikizo nge Ikiye ashikile kukavangiza. Ikiye keshi na kavulya ka mushipilitu ko. Ikiye apwa mutondo wamwenemwene. Ngwazanga chize.

134 Oloze lize liuka lelo likwechi ukalu waupi wa kavulya ka mushipilitu. Kawatachikiza oku wafumako. Echi chinapu kuvulyama vyosena hali Echi, kuvulyama vyuma vyosena vize vinalingisa kupwa Liuka.

135 Chumamuka chatulingisa etu kupwa vakupita? Echi chikwechi muchihela cha Lauchiseya cheka, kukinduluka nakwingila muchihela nge Isalele apwile. Omu chapwile chakuhutwa kaha kufwelela Kalunga ha vyuma vimwe yahashile kulinga, vyumavimwe yikwechi kulinga, kufwelela Kalunga; kahajino Kalunga apwile na echi, kaha chapwile mushipilitu, kaha atambukile nakuya. Oloze omu lyahetele, hano hakiko chasolokele: jimbongi javo kupwa jakutungika, kaha mapwevo javo kupwa waujila, malunga javo kwitaviza chize, vakakunangula javo kushikumwisa mukeloko, kaha vakiko kukana tupolofweto. Kaha ize yikiko seteko vakiko

vengililemo. Chumauka chanehele chize, chapwile kuvulyama kulihi kuze kwafuminenga chize kukisula.

<sup>136</sup> Kaha enu va Mesondisiti, kaha enu va Mbaputishiti, kaha enu va Pulishiteliyani! Enu va Mesondisiti munahase kwanuka John Wesley. Enu va Mbaputishiti! Kaha John Smith alilile hali vathu palanga puwenyi kuheta nahasetoko yakumutwaminyina kumesa, meso eyi apwile akujimba, kufuma kukulila na kulomba ufuku wosena. Ukalu ulihali?

<sup>137</sup> John Wesley ahanjikile chumachimwe chachinene... Ngwafwelela chapwile yimwe Mesondisiti yama fathers yakulivanga kuhanjika, “Nge chasonyi kuli vana vamu liuka lya Mesondisiti, vaputukile kupwa nge vakakaye, vakiko vapwile nakuvwala tuzeya kumwine yavo.” Chuma muka ikiye mwahanjika jino, na jiputula vanavwale?

<sup>138</sup> Chumamuka chasolokele? Kavulya ka mushipilitu. Mukiko vene chili, kuvulyama nge vakiko vafuma kulihi. Enu mukwechi vyuma vyosena mwomwo kuhana cha Kalunga, kuwaha chikiko chamilinga enu.

<sup>139</sup> Enu munashinganyeka echi kupwa chuma chaungeji? Echi chili vene na Shipilitu ya Yesu Kulishitu, kupolofweta. Mu Kusoloka, kapetulu 3, ambile ngwenyi, “Mwomwo ove muhanjika, ‘Ngunapu lihando, Kangwatonda chuma chimweko,’ kaha kutachikiza nge ove wapwa wakuhutwa, kapuputa, vakuhokoka, vakuvindama, uselesele, kaha kawatachikizako” Talenu, kawatachikizako! Chumauka echi? Kavulya ka mushipilitu. Vakiko kavatachikijileko.

<sup>140</sup> Awa mauka akwechi awa—awa amli jino. Kakweshi numba liuka, kacheshi ngochoko, mulifuchi, chikungulwilo, oloze chumauka chinatela jimiliyoni kapapa ka jimiliyoni ya mandola. Kutunga jimiliyoni na jimiliyoni ja mandola mu jizuvo na vyuma, na kunangula Kwiza cha Mwata chili hakamwihi. “‘Pichi,’ kaha ngwenyi, ‘Kangwatonda nachuma chimweko.’” Vakakunagula vakutanga vavavulu vapwilenga navo, vatachikijile chikuma kutanga chauthu kuhamabakana nomu vakiko vatachikijile. Kaha vakiko vakwechi jizuvo jajinene, vihela vyamwaza muze mumbongi. Vakiko vapwile najila yakwoloka kukala chuma vakiko vatondele kulinga. Kaha jino chumauka vakiko valingile? Vakwechi kavulya ka mushipilitu kaha kuvulyama nge apwile Kalunga uze alingile ngachize hali vakiko, kupwa kaha nge Isalele.

<sup>141</sup> Kaha eyi Mbimbiliya yapolofwetele, Yesu Kulishitu atumine kangelo Kenyi kuli Yowano kaha ambile ngwenyi, liuka lyamakumishilo nalikaya nakupwa na kavulya ka mushipilitu. Vakiko vapwile “vakuhokoka,” anuka. Vakiko vashinganyekele nge vakiko vali vavanene. Vakiko vashinganyekele nge vakiko vakwechi chumachimwe. Oloze Ikiye ngwenyi vakiko vapwile

“vakuvindama, vakumona lupi, vakakuhutwa, uselesele, kaha kavatachikijileko.” Kaha kakweshi jila yakuvalweka vakiko.

<sup>142</sup> Jino, kachi lunga apwile hano mujila, kwivwa sonyi, mokomoko pwevo, uselesele, mujila, kapuputa, uze napu museteko yakeke kupwa museteko kana. Oloze jino kachi vakiko vapwile nawongo wakwaoloka, kutachikiza vanapu veya, nge vakiko vapwile vathu, kaha vakiko vatela kuvwala uvwalo; chamwaza, ove yako kuze; vakiko vanapu—vakiko vanapu vathu vakuyoya, vatelanga kupwa vakutachikiza na muyachi wavathu; kaha kuze, “vakuhokoka, vakuvindama, kapuputa, kaha uselesele.” Kaha ove muya kuli ikiye, nakuhanjika, “Ndumbu walunga, ove uli uselesele.”

<sup>143</sup> “Jino, hano! Yami Ndotolo *Munganji mukananga!* Ove uli kaha na vishinganyeka vyove. Nangumilweka, Ngwapandama ku *Munganji mukananga!* Ove kaweshi namulimoko, ove mukakujila wakulyalanga, kungulweka chuma chimwe!” [Hatepu hapimbi—Muka.]

<sup>144</sup> Valweke vakiko, “Echi chili chakuhenga kuli muthu kulinga echi, kaha vathu kulinga vyuma vize vakiko vali nakulinga.”

<sup>145</sup> Kaha vakiko navakaya nakukulweka nge mukakuvanangula napu mwatala temo. Talenu? Chuma muka echi? Echi chili, vakiko vanavulyama jishimbi ja Mwata Yesu. Kahajino echa Ikiye ezenga na kulinga vinjikizo na vikomwesa vize Ikiye ambile ngwenyi Ikiye mwaya nakulinga, vakiko kavazangile kufwelela echiko. Echi chinapu kavulya ka mushipilitu. Talenu, vakiko vanavulyama! Kaha vakiko vali uselesele, kaha kavatachikijileko, vanahono kutachikiza echi.

<sup>146</sup> Vakiko vashinganyekele, “Mwomwo Ngwapandama kuliuka, chize chikiko chachilemu.” Mamalelo, ndumbu walunga, echi chalumbununa kupwa Kalunga kuhambakana kupwa Mason mokomoko kalachuma cheka, kala zuvo yavangeji. Kupandama kuliuka, chize kachalumbunukile nge hichuma kuli Kalunga ko.

<sup>147</sup> Ove watela kupwa vana vamaalunga na vamaapwevo va Kalunga. Ove watela kusemuka kuli Kalunga, kaha Kalunga napu Lizu. Omwo Ngwejile nakupwa chihanda cha tata yami, Ngwejile nakupwa tata yami wosena. Omwo enu namwiza nakupwa chihanda cha Kalunga, enu muneza nakupwa Kalunga, mukuzalilila. Lizu Lyenyi lyosena, enu mwafwelela vyosena Echi.

Kavulya ka mushipilitu!

<sup>148</sup> Ngachilihi kachi ove kawatachikijile lijina lyove lyapwile chuma muka? Kaha kachi ove uli, ove mwiza kufuma muchisaka chamwaza, chize Ngwafwelela ove walingile, kachi ove mufuma muchisaka chamwaza cha vathu, kaha ngachilihi kachi ove muvulyama lijina, kaha kukulinga ove kuya hano, kuyoyela musonyi? Vakiko ngwavo, “Kumana lijina lyove Jones,” mokomoko kala chuma chapwile. “Chamwaza, Ngunahono



kutachikiza hiya Ngwapwile.” Talenu? Chosena chakwoloka, talenu, echi chinapu chuma chachikalu kupwa, seteko yakuzeya kwingila.

<sup>149</sup> Chamwaza, omu mukiko liuka lyatela. Lyatela kupwa kwimanyinako Yesu Kulishitu. Oloze echi vanachivulyama, mwomwo echi chikwechi, chakwingisa muchikiko, jishimbi jauthu na vikungulwilo, nge vakiko vanetavila chize keshi Lizu ko. “Kaha vakiko vali uselesele, tupuputa, vakuvindama, kaha vanahono kutachikiza,” kaha kakweshi jila yakualweka vakiko.

<sup>150</sup> Ngunahase kupwa mu Birmingham cheka, oloze ou napu lwolalumwe vakiko kuya nakwivwa. Talenu? Talenu? Chakwoloka. Nguli kaha...Kangweshi wakwimanyinako chuma chamokomokoko shina kukuva Mbuto. Kalunga eji kutwaminyina Echi hamavu kuze Chatelanga kuya.

<sup>151</sup> Vulyama, eyo, vakiko vavulyamine Lizu lya lushiko. Vakiko vavulyamine. Isalele apwilenga mumuyachi wakuhaka omwo Yesu ejile. Echi chavulyamine. Vakiko vatalile, mamalelo, vakiko ngwavo vafwelela nge kwiza Meshiya. Oloze omwo Meshiya ejile na kulisolola Lyavene ha Lizu, vakiko vapwile na visemwa vyavivulu palanga vakiko vatungile Lizu lya Kalunga lya ngolo.

<sup>152</sup> Kaha Yesu ashikile, shimbu kanda lwola lwamakumishilo, “Nge omu chapwilenga mu Satome, shikaho mukiko nachikapwa.” Kaha nachiya nakupwa chakwinjiza, kaha vathu vanapu chisemwa palanga vakiko kutunga lushiko lwa Kalunga wakuzeneka ngolo, ha chisemwa chavo. Kavulya ka mushipilitu! Kavulya ka mushipilitu mukiko kavali vene. Talenu, vakiko vanavulyama vyuma kana.

<sup>153</sup> “Mamalelo, Ngwapandama kuli *echi*. Ngwa—Ngwalingile *echi*. Ngwakinyine mu Shipilitu. Ngwalingile *echi*.” Chamwaza, yami, yami, chize kacheshi na chumako na echi, keshi ngochoko.

<sup>154</sup> Nauya ngachilihi nakupwa Mukakulishitu na kukana Lizu? Ove kaweshi kuhasa kulinga echiko. Kalunga napu Lizu. Kachi eli Lizu lili muli ove, ove na Lizu lili lyolimwe. Lizu lyosena lili, ove uli. Amena. Kachi Nguli nakuyoyela muli chino chisemunuino, chihanda muka cha Lizu linashiki hali chino chisemunuino, Ngwatela kupwa ngachize. Kachi Nguli nakuya nakupwa Mukakulishitu, Ngwatela kupwa wakusoloka hamwe na vyosena vize Mbimbiliya kunangula na kwimana.

<sup>155</sup> Haleluya! Kuya nakungusanyika kupwa mukakujila wakulyalanga, mwosena omwo, kaha Ngulinakwivwa kulifukula hano vene. Eyo, mwane.

<sup>156</sup> Ngwatela kupwa wakusoloka hamwe na vyuma vyosena vize Mbimbiliya yahanjika. Kaha Nachiya nakuneha kutondeka, kaha, kachi Kangweshi wakuveta na kavulya ka mushipilitu kalino likumbi, Nanguya nakupwa kaha vanahase kulisolola hamwe na Echi. Kachi Nangukana Echi, kahajino Ngukwechi

tenneni; chumachimwe chinasoloka, Nguna kwitavila jishimbi jauthu mokomoko kunangula, mokomoko liuka limwe mokomoko lizavu lya muthu. “Kangweshi kuhasa kulinga echiko,” omwo lize Lizu lyeji kwizanga na kulisolola Livene.

<sup>157</sup> Ou ukiko mulonga Yesu ahonene kutachikiza. “Mamalelo,” vakiko ngwavo, “chamwaza, ou lunga ali wakujila, kaha kapilishitu ketu wakujila, ou wajila *wetu*.”

<sup>158</sup> Kaha Yesu ambile ngwenyi, “Ove unapu iso, liyavolo, kaha milimo yenyi ove muya nakulinga.”

<sup>159</sup> Munatachikiza Kena ahanyine mulambu wamwaza, nawa? Ikiye apwile wakushishika, kutunga kamenga, kufukama na kulifukula, na kuhana mulambu, na kulomba kuli Kalunga. Kaha kachi, Kalunga, omu mukiko Kalunga atonda, kuli enu kupandama kuliuka na kupwa kukamenga, kaha kufweta chamulikumi na kuya kuliuka, na kuyoya chiyoyelo chamwaza; kachi mukiko kaha Ikiye atonda, Ikiye apwile wakuzeneka kwoloka na kupaisa Kena, mwomwo ikiye alingile chuma chochimwe. Eyo, mwane. Echi chili vene chakwoloka.

<sup>160</sup> Oloze *kulifukula* kulumbununa “kufwika,” kaha ove kaweshi kuhasa kupwa wakufwika ha milimo yayove lyaveneko. Kuli kaha chuma chimwe chize Kalunga mwaya na kwitavila, kaha echi chinapu Manyinga a Yesu Kulishitu. Echi chinapu kaha kufwika. Kuweluka wa Chize, kachi ove muhanjika, “Lama jishimbi jauthu,” jishipilitu! Omu mukiko chasolokele.

<sup>161</sup> Jino talisenu, vakiko vanavulyama Lizu. Vakiko vanavulyama Mbimbiliya. Vakiko vanavulyama lushiko. Vakiko vali nakweseka kuyoyela mu mutelezeji wa chuma muka Mesondisiti apwile, chuma muka Mbaputishiti apwile, chuma muka muthuumwe weka apwile. Hano hakiko hali lushiko lwa likumbi, kaha Kalunga kuhanjika Echi kuhichila mu Lizu Lyenyi, na kwinjikiza cheka na kwinjikiza nge Echi chili ngocho, kaha vakiko hanga kavafwelela Echiko. Kavulya ka mushipilitu! Echi chinapu vene chakwoloka. Kupwa vene, kupwa vene vakavulya, vene vakuhona kufwelela Echi numba mumwe.

<sup>162</sup> Liswalale wa French. Vangulwekele mujimbu waundende; shimbu etu natusoka. Ngwahonene kutachikiza nge chapwile chakukotokela, kaha Ngukwechi mapapilo teni a visoneka hano anasaleko; mbatenu lwola lukwavo. Talisenu, liswalale wa mu French. Vakiko vambachile lizavu lya maswalale vakufuma muuswalale, kaha vakiko vapwile na kavulya. Kakufuma kukulezumuka, ch mujita. Kaha vakiko vapwile na kwala chihela, kaha vakiko—vakiko vasanyikile kaha echa vathu vaze vajimbalishile vaze vavo vakuzanga kusanyika na kumona kachi vakiko vanahase kusolola ava vanyike vamaunga. Na lualililo lwauchi hali vakiko, pamo umwe mokomoko vavali, kufuma muli chize, kukwachiwa. Kaha jino vakiko kumbata vosena,

vakiko vapwile nakuya nakuhaka vakiko mukapete, kuze vakiko vatela kutwama muchiyoyelo chavo chosena.

<sup>163</sup> Vakiko vapwile nakuya kusali ya pili, kukoka cha shitima; kaha vakiko kwimana mu shiteshini, echa vanyike vamaunga kulovoka na kwolola mahinji. Kaha vakakulama kuya nakuya kupili, kutala vakiko, mwomwo na kavulya, mwomwo, vakiko—vakiko vatela kutala hali vakiko.

<sup>164</sup> Shikaho vakiko vatalile vakweze kuze, ikiye alovekele nakuputuka ha tanki ya meya, kutala nakujinguluka kuze kupili. Ikiye atumwine chameso hamavu, kaha ikiye atangile. Kaha ikiye atalile cheka, kaha ikiye amwene ize tanki ya meya. Ikiye atalile nakujinguluka shiteshini, kaha ikiye aputukile kutambuka. Kachi mukakulama kumwimika, ikiye amukavangijile.

<sup>165</sup> Ikiye ayile kupili, nakushikumuka mujila yayindende, kwalumuka kuchilyo kaha kuya kusali yikwavo ya pili, kaha kwiza kukapundo kakandende. Ikiye atalile. Kwiza nakulovoka musenge, uze kashinakaji wa lunga na lifwoyo mulivoko, kwiza nakulovoka kaha kumbila mavoko hali ikiye. Ambile ngwenyi, “Mwanami walunga, Ngunatachikiza ove muya nakukinduluka. Vakiko vangulwekele nge ove wapwa wakufwa, oloze Ngwatachikijile ove muya nakukinduluka.” Kaha uze kanyike walunga kwiza kuli lyavene. Athed amusele ikiye. Ikiye nahase kusolola hiya ikiye apwilenga. Ikiye atachikijile nge apwile ise.

<sup>166</sup> Mamalelo, liswalale wa Kulusu, uze napunga wakukomoka na kulilongesa chikuma, shikaho vavavulu vikungulwilo na jishimbi jauthu, na vyuma vya kaye, mwomwoika unahonene kaha kufuma ha minyutu yayindende na kuya nakutala nakujinguluka mu Mbimbiliya? Munahase kulikomokela nakujinguluka, kaha enu munahase kuwana enu vavene kulisolola hano mu Lizu, nge mukakufwelela, likumbi limwe hali awa makumbi. Enu munahase kutachikiza Ikiye. Ove unahase kwiza ove lyavene, nge mwana wakujimbala nge omu alongile, kaha kuwana ove lyavene. Ove unahase kuwana katachikijilo kove mu Mazu a Kalunga.

<sup>167</sup> Mthuumwe ambile ngwenyi, likumbi likwavo, keshi kunyima chikumako, ambile ngwenyi, “Oloze, Ndumbu walunga Branham, tala hali etu vathu va Chipendekosita, mauka amwaza etu tukwechi. Mwomwoika, etu, etu tukwechi vakakuzata vaze vanatulongesa.”

<sup>168</sup> Ivwulilenu, omwo lunga mwambata pwevo, ikiye kafwelela mukuwaha chenye. Nduma. Ikiye kufwelela mukwononoka cha lushiko, lizu lyenyi. Ikiye keshi nakufwelela mu kuwaha chenye. Ikiyekufwelela mukwononoka chenye.

<sup>169</sup> Kaha eyi ikiko jila omwo ove mumbata kuli Kalunga, ove kaweshi kufwelela muliuka limwe lyalineneke ove unahase

kutunga, oloze mu lushiko luze Yesu Kulishitu atungile, chize, “Yami youmwe zau, lelo, na hayamyaka.” Enu mwafwelela echi?

Echa etu tunongame mitwe yetu chindende kaha.

<sup>170</sup> Ngwalikomokela, ufukuuno, muno muzuvo muze vathu vanatwame, kuze kuli malunga na mapwevo vaze vali Hayamyaka, vathu va Hayamyaka vakukashiwa, kaha munatachikiza likumbi limwe mokomoko likwavo ove watela kuliwana na Kalunga. Kaha Ngwalikomokela kachi ove wapwile na kuhwima chachindende cha a tenne, kaha ove muya. . . Ove unapunga wakusoloka mukuhenga, kaha enu—enu namuya nge kupwa wakulikomokela nakujinguluka, ufukuuno, kaha enu kamweshi kulisolola hamwe na Yesu Kulishitu? Unahase kuzundula livoko lyove, nakuhanjika, “Ngulombeleko, Ndumbu walunga Branham, Ngwa—Ngwatondo kupwa wakusoloka kupwa Mukakulishitu wamwenemwene, mukakufwelela wamwenemwene.” Kalunga akukisule. Kalunga akukisule. Akukisule! Mamalelo, eyo, mujila nakujinguluka. Ou Mwata Kalunga akukisule.

<sup>171</sup> Muthuumwe kwilu kukelulu, enu ngwenu, “Ndumbu walunga, Ngwafwelela nge ou unapu Muchano. Ngwafwelela, nge Vakakulishitu, etu katweshi Vakakulishitu ko nge omu vapwilenga na myaka okwo.”

<sup>172</sup> Ngachilihi enu vathu va Chipendekosita, omwo manevo na masevo vapwilenga nakwimana mujila hano, na kuveta kangoma. Kaha nenu, omu ikiye apwile na. . . ikiye kupwa vakuzeya, kaha kulipika na enu vana vavandende. Lwola lumwe ove watela kuya chakuzeneka uvwalo, na vyuma vyosena, oloze tata na mama apwile wakushishika kuli Mwomwo, kukwata Kulishitu.

<sup>173</sup> Tala enu vathu va Chipendekosita omu mwalingile. Myaka fite kunyima okwo, ove kwiza nakulovoka mulizavu. Omu mukiko nachikulingisa ove kupwa Pendekosita, ove lihandunune ove lyavene kufuma kuli vakakuzeneka kufwelela. “Kaha nge ngulu kuulova, kaha kawa kuvisazo,” ove watela ya nakukinduluka kaha kulinga yoyimwe, kulinga mwomumwe muyachi wa ukalu ove uneza nakulovoka. Ukalu uli halihi? Kavulya ka mushipilitu kuhokoka mukachi ka vathu. Enu mukwechi jishimbi jauthu na mapapilo avikungulwilo jino, kaha enu mukwoloka na vosena, kutondo nakupwa na vosena muli vakiko. Ove wetavijile mapwevo vakuteula jikambu javo, kuvwala kukwita ulombo. Ove, ove unetavila vakiko kulinga vyuma vyosena, kwitaviza vyosena evi mu—mu mauka. Chuma muka echi? Kavulya ka mushipilitu.

<sup>174</sup> Kahajino, chuma chatete munatachikiza, omwo Kalunga aputukile kutambukila mukachi kavathu, kahajino chasolokele ngachilihi? Enu kamweshi kuhasa kutambulako. Talenu, enu munapu wakuviza chikuma na kavulya, talenu, chumachimwe

enu nge omu munevu. Kamwashinganyeka nge enu mwatela kufuma na kulovoka mujishimbi jauthu ha minyutu yayindende kaha kumbata Mbimbiliya, kaha talenu chuma muka Mukakulishitu atela kachi kulisolola hamwe na echi? “Evi vinjikizo navikakavangiza vaze vakakufwelela!”

<sup>175</sup> Vilinga, Petulu ambile ngwenyi, “Pihililenu nakwalumuka, muthu himuthu, kaha vamiyimike mu Lijina Iya Yesu Kulishitu chakuneha kujimbangana shili, kaha enu namutambula wana wa Shipilitu Wajila; mwomwo lushiko luli kuli enu, na kuli vana venu, na kuli vaze vali kwakusuku, veshovo mwasanyika Mwata Kalunga ketu kwiza kuli ikiye.” Kachi vakiko navamilweka Echi kacheshi ngochoko, kahajino kafunga kenu ali na mulonga waunene wa mushipilitu yami. Ikiye keshi kuhasa kuwana lyavene na eli Liuka; keshi chikungulwilo ko; Liuka, Mujimba wamushipilitu wa Kulishitu.

<sup>176</sup> Jino ou Shipilitu Wajila ali hano. Ikiye ali hano nakulinga vene omwo Ikiye ashikile kulinga. Jino shimbu enu muli hano namitwe yenu yakunongama, twalilaho kulomba. Echa Shipilitu Wajila ahanjike, Lyavene. Kaha talenu kachi echi. . . Kalamuthu natachikiza chize, lushiko, chuma muka echi cha likumbi. Jino enu muli nakutonda, ufuku uno, enu vavavulu mwazundulanga mavoko enu. Shimbu kanda enu namulinga chize. . .

<sup>177</sup> Ngwalikomokela, shimbu etu tuli hano na kulombelela vakakuviza, Ngwalikomokela kachi ove nauhasa kufuma kuli chize kuzeneka kufwelela, chize chikunguwilo, chize jishimbi jauthu jize jili nakumilweka vyuma kavyeshiko, vize vimwe naviya nakumilweka Echi chinapu cha liyavolo. Omwo vakiko navalinga chize, “Vakiko kaveshi kachikonekela ko, muno mukaye mokomoko mukaye kali nakwiza.” Ngachilihi kachi Ou unapu Muchano? Shinganyeka kaha, kachi Echi chili, kahajino ove uli kulihi? Talenu, enu kamwatela kuhanjika echi; fwelela kaha mumichima yenu. Kaha kuli vathu hano vaze vafwelela chize. Ngunatwame haze vene, a maufuku avala, kuzata mwishi ya chumachimwe, kupwa, yami, kukwachilila lze lilimi, kulama kufuma kusanyika hazevene.

<sup>178</sup> Kaha anuka, sepa, echi chili mukachi kenu na Kalunga. Nachipwa ngachilihi nge chakuhenga, kaha enu namushinganyeka chize? Munatachikiza chuma muka nachisoloka, ove kaweshi kachikonekela ko. Athest, ove muya nakwingila mu kufwa cha Hayamyaka, kuzeneka kufwelela. “Wosena mwahona kufwelela ali wakupaisa lyehi!”

<sup>179</sup> Jino lomba ha misongo, hanjika, “Mwata Yesu, Ove washikile. Nguli. . .”

Echa ngupwenga vamwe vangeji hano, vaze kanda vanapunga hano.

<sup>180</sup> Yesu ashikile, “Nge omu chapwile,” Nanguya nakumbata Chisoneka chimwe, “mumakumbi a Lote,” omwo Kalunga

alisolwele mumujimba wa nyama; kaha vathu, Apalahama, lize lizavu lya kusakula, lize lizavu vavuluka kupwa lizavu. Kaha lijina lya Apalama lyapwile lyalumukile kuli Apalahama, kahajino ikiye amwene lize Lizu lyalitengelekele kupwa muthu, kaha Echi chinasoloka vishinganyeka nge chapwile mumuchima wa Sala.

<sup>181</sup> Kaha omwo Mbuto ya Wangana ya Apalahama kwiza, muze mukiko Ikiye alingile, kaha vakiko vamuvulukile Ikiye kupwa “liyavolo.”

<sup>182</sup> Ikiye ngwenyi, “Jino omwo Shipilitu Wajila mwakeza, mwakaya nakulinga chuma chochimwe.” Ngwenyi, “Jino kuli kukonekela omwo enu namungusanyika Yami chize, oloze, omwo ove muhanjika na Shipilitu Wajila, kakweshi kukonekelako.”

<sup>183</sup> Jino echa Ikiye, mu Ngolo Jenyi, kwiza kuhichila muli eli lizavu lya vathu, kwosena okwo muli, kaha na vishinganyeka Vyenyi kusolola nge Ikiye apwa Lizu. Shikaho kachi kuli kala hano kuyanda na kavulya, nge vakiko kaveshi. . . muya nakupwa chakuzeneka kaleyelo, kumeso a kusanyika cha kamenga.

<sup>184</sup> Echa Mwata Kalunga amukafweko. Jino na mitwe yenu yakunongama, na kulomba.

<sup>185</sup> Talenu, kuli pwevo wakalemesa natwame hano kumeso ami. Ikiye akwechi mavoko eyi kumeso eyi. Ikiye ali nakuyanda na ukalu wa chipamba. Kaha ikiye nawa akwechi kulizakamina. Ikiye akwechi ukalu wamujimo. Kaha ikiye natwame hano kumeso ami jino. Kaha ikiye nahase kutachikiza, ikiye keshi wakufuma kulifuchi linoko. Ikiye nafumu ku mbongi vavuluka ngwavo Maccon. Yaah. Ove wafwelela Kalunga nahase kungulweka yami hiya? Ove yove Wakuhona Kusomboka. Kachi echi chakwoloka, katula livoko lyove. Yami ngungeji kuli ove. Ou ukiko muchano, keshi ngochoko? Jino ukalu wove uli hali chize. Yesu Kulishitu; ove wakwachile chikuto Chenyi. Ikiye akulingishile ove kupwa wakulikangula. Jino fwelela kaha echi.

<sup>186</sup> Kuli lunga umwe natwame kunyima ya zuvo. Ikiye ali nakutonda lujimiko lwa Shipilitu Wajila. Ikiye natondo lujimiko na Shipilitu. Ikiye nemana hano kumeso ami. Ikiye keshi wakufuma hanoko, chipwe. Ikiye nafumu ku Carolina, Charlotte. Lepoe napu lijina lyenyi. Kufwelela na muchima wove wosena, kaha Kalunga mwaya nakukuzalisa na Shipilitu Wajila, ndumbwami—wami, kachi ove muya nakufwelela echi.

<sup>187</sup> Hano, kuze kuchilyo chami, hano hali—lunga na pwevo lyenyi natwame vene kulutwe lwami hano. Vaze vanapu vakulimbata vamwaka, kulivoko lyami. Uze wapwevo kuyanda na ukalu wa chitomba. Lunga lyenyi kupwa na ukalu wa muchima. Vakiko kaveshi kufuma kunoko. Vakiko vali wakufuma ku Tennessee. Mukulwane na Pwevo lya Tomas, kachi ove muya nakufwelela na muchima wove wosena, zundula mavoko ove kaha ove unahase kwitavila kuka chove. Yesu

Kulishitu mwakulingisa ove kupwa kanawa. Omu mukiko Ikiye ashikile kulinga. Oloze Kanda lyehi ngumone vathu muchiyoyelo chami.

Kavulya ka mushipilitu!

<sup>188</sup> Yesu ambile ngwenyi, “Eyi milimo Ngweji kuzatanga namukayilinga nayenu nawa. Chindende kaha, kaha kaye kakeshi Kungumonako chekako; oloze enu namukaya Nakungumona, mwomwo Nguli,” kuvuluka muthu, “mwakaya nakupwa na enu, namuli enu, nakumakumishilo akano kaye.” “Yesu Kulishitu youmwe zau, lelo, na hayamyaka.”

<sup>189</sup> Jino, kuli malunga na mapwevo muno, vase vapwile nachuma chimwe chakuhenga na ove, nge ove kaweshi kaha kuhasa kumona omu. . .Ove, ove unatondo kufwelela, oloze ove kaweshi kuhasa kwingila muli echiko, kaha ove unatondo kupwa vakulombelela, ove unatondo kwitavila Ikiye shimbu ove uli Kumeso Eyi, nahase kwiza na kwimana hano hali yami, echa ngulombelele na kunangika mavoko hali ove. Kachi ove kwiza hano jino, ove uli nakuyanda nge ngachize, na kavulya ka mushipilitu, kaha kaweshi kutonda kupwa wakulembelela, nge enu kupwa wakwechela kuze. Kachi ove kaweshi nge—keshi mukakufwelela, oloze unatondo kupwa vakulombelela, twaya kuno na kwimana. Kalunga akukisule, mukweze walunga. Mthuumwe weka ejile? Kalunga akukisule, pwevo wakalemesa. Twaya. Kalunga akukisule, mukweze wapwevo wakalemesa. Mthuumwe weka ejile? Twaya, imana hano vene, jino.

<sup>190</sup> Kavulya ka mushipilitu, Kangwazangile kupwa wamusongo na chizeko. Kalunga chijilocho. Echa yami—echa ngufwenga kufwa cha—cha kalachuma, oloze kanda kwecha yami kufwa chize kufwa nge mukakuzeneka kufwelela.

<sup>191</sup> Twaya, mwitavile Ikiye jino. Kaweshi kuhasa kuchilingako? Twaya kuno, kaha twaya kuno musenge, masepa. Echi chili kaha tambo yayindende hano, kaha chinahase kulumbununa chihandwa mukachi ka kufwa na Kuyoya, kuli enu.

<sup>192</sup> Tala, Kangweshi kuhasa kulingisa Kulishitu kulinga chuma chimweko. Kulishitu katela kulinga kalachuma oloze chuma chimwe: Ikiye atela kulama Lizu Lyenyi. Ikiye atela kulinga chize mangana apwenga Kulishitu, pwako Kalunga. Ikiye atela kulama Lizu Lyenyi.

<sup>193</sup> Jino anuka, kachi ove kaweshi wakukunyuka nakuhasa chove, mwomwoika kuhona kwiza nakushikumuka jino. Kachi enu mwapandama ku chikungulwilo, kachi enu munapu muzukulu wa Chipendekosita, Kalunga katwama na vazukuluko. Ikiye atwama na vana vaamalunga na vana vamapwevo, oloze keshi navazukulu vamalunga na vamapwevo. Talenu? Kalunga katwama nachizeko. Ikiye ali kaha navana vamalunga na vamapwevo, kaha enu munatachikiza nge enu kamweshi ngochoko.

<sup>194</sup> Pamo ove wahanjikile na malimi, ove unahase kupwa nakukina, ove pamo unalingi vyosena. Echi chosena chakwoloka. Kangweshi nachuma chimweko hali echi. Oloze kachi enu hanga mukwechi kavulya ka mushipilitu, kwiza nakushikumuka, ka kwiza hano kaha kwimana hano. Echa tulombe hali echi. Chuma muka ove muhanjika? Membala wa liuka, kupwa kaha—kupwa kaha membala kaha, mwomwoika ove nauhona kwiza hano kaha echa chize chifume jino?

<sup>195</sup> Kangwazangile kusezsa Birmingham hano, kaha kutachikiza nge likumbi limwe, omu Kusopesa nachikeza, kaha Ngwatela kwimana jino kumeso enu. . . Anuka, Nguli nakuya nakuliwana na ove cheka. Kachi Kangweshi kuhasa kuliwana na ove hano hali echi, mokomoko Nguli nakuya nakuliwana na ove ha Kusopesa kaha Ngwatela kukumbulula ha chuma Ngunahanjika ufukuuno.

<sup>196</sup> Jino ivwulilenu. Alumuka chakupihilila, masepa! Alumuka chakupihilila, lovoka kufuma muze. Lovokenumo. Twayenu jino.

<sup>197</sup> Chize chatela kupwa pwevo wakuteula jikambu mulifuchi lino, mokomoko chino chihela, kwiza hano jino. Echi chili vene chakwoloka. Chize, enu kamweshi na likoji lyakutamona kuhanjika, “Ngwa—Ngwa—Ngwa—Ngwakutonda, Ngwakutonda kwecha jikambu jami jikule, Ndumbu walunga Branham.” Echi chatela. . . “Ngukwechi. . . Chamwaza, Kangweshi na likoji lya kulinga echiko.”

Mwomwoika, ove ngwove, “Echi chili na chuma chimwe chakulinga naechi?”

<sup>198</sup> Hano keshi kunyima chikumako, mukakuzata wamunene ejile kuli yami, kaha ambile ngwenyi, “Ngwatondo kuhaka mavoko hali ove, Ndumbu walunga Branham.” Ngwenyi, “Muthu wosena kukumeneka ove kupwa kapolofweto.”

Ngwambile ngwami, “Kanda lyehi Nguhanjike Ngwapwile kapolofweto.”

<sup>199</sup> Ikiye ambile ngwenyi, “Oloze vathu kukumona ngachize. Ove lwola lwosena weji kuvazungisanga mapwevo, kuvwala jiputula,” kaha—kaha, mamalelo, muthu wa Pendekosita. Kaha ngwenyi, “Kuvwala jiputula, na kuteula jikambu, na vyuma.” Ngwenyi, “Chize kaweshi mulimo woveko.”

Ngwambile ngwami, “Ou mulimo uli nawo?”

<sup>200</sup> Kaha ikiye ambile ngwenyi, “Vaze vathu, mwomwoika ove unahonena kuvakwata vaze mapwevo kupwa, na wana waunene wamushipilitu, kaha vathu kukafwa, kachi kweseka ku. . .” Ambile ngwenyi, “Vakiko kukumona. Chuma muka ove wawalwekele, vakiko navaya nakukufwelela ove.” Ambile ngwenyi, “Mwomwoika ove unahonena kuvalweka omu



mwakupwila na mawana amanene kaha kukafwa vathu, kachi lwolalwosena kuvapaisako?”

<sup>201</sup> Ngwambile ambile, “Nanguvatangisa ngachilihi vyakukola ohonyi kaveshi kuhasa kulinangula AEIO?” Talenu? Talenu?

<sup>202</sup> Ove watela kuputuka kufuma kwishi, alumuka chakupihilila mokomoko kunonga! Jino ove unahase kulihaka ove lyavene, alumuka chakupihilila mokomoko kunonga! Yesu Kulishitu nalisolola Lyavene hano, ufuku ha ufuku. Kaha ou unapu ufuku etu twapwile nakwalumuka hali ou ulwilo. Echi chili kaha tambo yayindende hano, kaha Ngukwechi lwola lwaluvulu kuvandamina.

<sup>203</sup> Anuka, Birmingham, manyinga ove kaweshi hali yamiko. Nguwakuzeneka mulonga. Kaha kachi ove uli vene na Shipilitu Wajila, ove uli nalisesa jino. Kaha kachi vakiko vali nakuyanda na vyuma vimwe nge vya mauka vize vyalingishile ove kupwa na kavulya ka mushipilitu, mwomwoika ove unahonene kwiza? Yesu ikiye mukakuka. Kaweshi kuhasa kwizako?

<sup>204</sup> Jino vathu vamwe vasele musenge. Ngwapwile nakuvandamina talenu vakiko vapwanga kulihi, kuya nakulovoka mokomoko kwiza kukamenga. Ava hano, kwiza nakujinguluka. Echi chakwoloka. Ove uli hano, twaya kuno kukamenga, hanjika, “Yami ngunakumisa na echi.” Eyo, vakiko vapwile nakwiza nakushikumuka, mapwevo vavali. Echi chamwaza.

<sup>205</sup> Twayenu hano vene jino. Jitambo jajindende kufuma hano. Kaha jitambo jajindende kulumbununa chihandwa.

<sup>206</sup> Jino, tala, Ngwatondo kumihula enu chuma chimwe. Nachipwa ngachilihi nge Ikiye mwakeza ufuku uno? “Mamalelo,” ngwenyi, “Ikiye keshi kwizako.” Ngunahono kutachikiza nge Ikiye ali mokomoko chiku. Echi chinapu chinjikizo chamakumishilo. Anuka, MUKIKO MWANAMBE MWATA! Enu mwewwa lyehi yami kuhanjika echi oloze chuma muka chapwile muchano? Enu muli nakumona chinjikizo chamakumishilo. Echi chinapu Chisoneka. Enu munamono chinjikizo chamakumishilo, Pendekosita. Kanda kupwa wakulifutula jino na chuma Ikiye ashikile Isalele hanyima ya Kuhukula; echi kacheshi ngochoko. Ove unalingi, jino. Talenu? Jino linapu likumbi lyove. Jino chinjikizo chove. Jino lunapu lwola lwove. Kanda kukana Echiko. Kanda kuchilingako. Ove watela kwiza. Ove wafwelela yami kupwa ngamba ya Kalunga? Anuka.

<sup>207</sup> Birmingham, Kanda lyehi nguwane vathu vamwaza. Ove uli vathu vamwaza Ngwatondo kuliwana muchiyoyelo chami, oloze ove unatondo kuhizumuka. Ove uli nakufwa. Ove uli nakumbata kavulya ka mushipilitu. Ove uli nakufwa. Kanda kulinga ngachizeko. Kuhizumuka na chuma uli nacho. Neha cheka, washi, shimbu kanda Yesu ezenga.

208 Chosena chakwoloka, shimbu vakiko vali...Twalilaho kwiza. Echa vakiko vatwalileho kuya palanga etu natuhetako, nge Mwata ali nakusanyika, hano. Twaya jino.

209 Fuma muli kaze kavulya. Uze Ndotolo wamunene ali hano mangana akuke, chifumisa kufuma mulin ove. Ikiye nenjikiza nge Ikiye ali hano. Vangahi navaya nakusolola echi, ha kuzundula livoko lyove, kuhanjika, “Ngwafwelela mwamuchano; nge Ikiye ambile ngwenyi Ikiye mwachilinga echi”? Talenu? Jino Ikiye ali hano. Talenu? Talenu? Enu mwafwelela.

210 Kaha vangahi vatachikiza nge Nguli nakumilweka muchano, nge ove uli nakufwa na kutonda kuhizumuka? Talenu? Ou unapu muchano.

211 Ove uli vathu vamwaza. Ove kaweshi kuhasa kuwana kanawako. Kaweshi michima yambwende kuliveta, kuhambakana mwishi ya vikovelo vya kukuto hano. Echi chakwoloka, vathu vamwenemwene! Oloze, masepa, enu mwatela kutona, washi washi! Mu ola enu munashinganyeka, chinahase kusoloka. Echi kacheshi kuhasa kusolokako; Ngunahono kutachikiza.

212 Oloze, anuka, ove uli na kukuhuhumuna chove chamakumishilo, shikaho chinyina shimbu ove uli na lwola lwakuchina. Twaya jino. Kachi kaha vakiko vali nakwiza, Nguli nakuya nakuvandamina, mwomwo kuze pamo...Mwono umwe unatela teni sauzande jikaye. Kaha kachi kaha vathu navapwa vakukunyuka...

213 Nangutonda kumona kuhokoka muchuma chachinene kuhizumuka chize nachiya nakuhaka kala liuka muno; kachi ove nauhasa kuhokola vihandwa vyenu kaha kufumisa lifwa, kaha kwitavila Shipilitu Wajila. Ove walivuluka nge wafwelela Echi. Enu mweji kuhanjikanga kufwelela Echi, kaha, omwo Echi nachiza nakulisolola Chivene, kahajino enu namuya nakufumisa muli umwe namukwavo. Mwomwoika keshi kulinunga na michima yetu na Lizu lya Kalunga na kufwelela Muchano? Omu mukiko. Enu namuya nakulama ha kufwa, kufwa, kaha enu muli nakuya nakulovoka mu Lauchiseya. Mukiko vene Ikiye ashikile, Nachiya nakupwa mujila kana. Kaweshi kuhasa kwizako jino? Jino linapu likumbi. Jino luno lukiko lwola lwa kwitavila. Tala chuma Shipilitu Wajila mwaya nakulinga.

214 Jino Ngwatondo vakakuzata hano, echi chili muchima muli ava vathu, kwiza nakulomba na yami, nawa. Twaya kuno, vakakuzata vosena vali nakufwila muli ava vathu. Twayenu, twayenu kaha nakujinguluka, na kwingila muli vathu, uze mukakuzata mokomoko mukakuzata muliuka, mukakuzachisa wamwaza, pwevo uze natondo kwimana na mapwevo jino. Nguli nakuya nakufwelela, na muchima wami wosena, nge Shipilitu

Wajila mwaya nakwiza muli chino chihela hano vene jino na kulisolola Lyavene hali ava vathu.

<sup>215</sup> Jino echa yami ngutange ava vathu hano, chatete. Jino, masepa, kalachuma ove uli hano, Ikiye atachikiza. Kaha Ngunahase kwinjikiza echi kuli ove, Echi nachiya nakumbata, umwe na umwe, neha enu hano hakamenga, kaha kakweshi chuma chimwe chize Ikiye ahonene kutachikiza. Jino chize chinapu kufuma haze Ngwapwile kanyike walunga wamundende. Uze wana kaweshi mu chihulako. Oloze chihula chili, munahase kutambula echi? Ove wafwelela echi? Jino Ikiye ali hano. Chamwaza, kachi Ikiye ali hano, kahajino kuli kaha chuma chimwe, Ikiye alama Lizu Lyenyi. Kahajino fwelela kaha nge ove nautambula, na kwitavila echi, na kukatuka na kuhanjika, “Mwata Kalunga, Nguli hano nakwitavila echi,” kaha twama kaha kuze palanga echi kusoloka.

<sup>216</sup> Nge Buddy Robinson ambile ngwenyi lwola lumwe, muze muwande wa tiliku. Ikiye ambile ngwenyi, “Mwata, kachi Ove kaweshi kuhasa kunguhana Shipilitu Wajila, omu Ove mukakinduluka Ove mukaya nakuwana mulumba wa vifuwa vyami muno vene.” Ikiye apwile wakufwila chikupu. Kaha ove unapu keshi nakuya na kupwan nakala chuma kufuma kuli Kalunga palanga ove muheta haseteko yakuzangajala.

<sup>217</sup> Jino, munatalisa lelo mbuto, kupwa enu nakutalisa lelo chumachakulinga? Etu, vene, etu tukwechi Kalunga wakatamo hali etu palanga nomu etu natwiza kukamenga, etu natuhanjika, “Eyo, pamo Ngwatela kwiza nakukanduka.” Jino echi chinapu kuhitamo lyehi cha kaye. “Eyo, Ngwatela kuya na kwimana.” Hanjika, “Chamwaza, chamwaza, Ngunahono kutachikiza. Hano Nguli, talenu.” Huu! Chihela muka chatela kupwa! Kakweshi numba kakahya kuwema. Kakweshi numba keke. Kakweshi numba “yako muli Echiko!” Kaha, kupwa nge mukakwambulula mujimbu wamwaza, uze angujihile yami kumona vathu ja Kalunga muli ize seteko. Etu twatelanga kupwa hakakahya.

<sup>218</sup> Oloze, mwamono, chuma muka echi? Echi chili vene chuma Ngwamilwekele. Kusoloka 3, “Ove uli wasalusalu. Kaha,” Ikiye ngwenyi, “mwomwo ove uli wasalusalu, jinonyi Yami nanguya nakukusaza ove mukanwa Kami.” Echi chakwoloka? Omu mukiko Ikiye ahanjikile. Kaha, kachi Ikiye ahanjikile ngachize, muze mukiko Ikiye apwile nakuya nakulinga. Shikaho echa tuhona kupwa mulizavu.

<sup>219</sup> Ove uli hano, kutonda. Echa tumbate Echi, mokomoko kufwa, hano vene. Echi chakwoloka. Echa tumbate Echi, mokomoko kufwa.

<sup>220</sup> Jino, ndumbwami walunga wamwaza, ndumbu wapwevo, kachi Ngunahase kwiza na kukukafwa ove kulinga chumachimwe, Nanguya nakuchilinga. Jino, ha wana,

Ngunahase kumilweka enu chuma muka muli hano. Ngunahase kumilweka enu chuma muka, hali Shipilitu Wajila, ha Shipilitu ya Kalunga, kumilweka enu chuma muka enu munezamo, chumamuka ove unalingi, nachiya nakupwa chakulutwe, mokomoko chumachimwe nge ngachize; oloze chize kachambachile kuzakaminako. Ove watela kwitavila Echi, ove lyavene. Echi chatela kupwa ove!

<sup>221</sup> Jino ove uli wakulizanga? Zundula livoko lyove, hanjika, “Nguli wakulizanga. Nguli wakulizanga kufwa hano.” Jino kanda kulinga echiko kuvangila enu namulumununa echi. “Nguli wakulizanga kufwa hano vene, mokomoko kumbata chuma Ngwatondo kufuma kuli Kalunga.” Amena. Ove uli vene wakulizanga?

<sup>222</sup> Kahajino echa likungumbuwa kwimana, kwosena. Jino hamwe, echa etu tulinunge etu vavene hamwe. Echa tulombe. Kaha echa kaha. . .Enu vakakuzata jino kutambuka kuli ava vathu hano, vosena, kaha ove uli nakwimanyinako mavoko a Kulishitu jino.

<sup>223</sup> Enu mwatondo Shipilitu Wajila, enu muli nakutonda chize kutachikiza, keshi nge kuwahilila kahako; ove unatondo Shipilitu Wajila, Kuyoya, kaze kambuto ka Kuyoya mukachi kenu. Kaha ove unatondo kufumisa kavulya kaze kali nakukulingisa—ove kukulingisa kulisolola ove lyavene; ove kaweshi unahono kutachikiza oho unemanyina; ove kawatachikijileko ove uhiya; echa ufumise chize hazevene jino! Kuli Kusemuka chachihya hano kuli enu, chivene, Kusemuka chachiya.

<sup>224</sup> Jino echa tuhake mavoko hali ava vathu. Echa, umwe wosena, katulenu mavoko etu na kulomba na kujina chimwe.

<sup>225</sup> Tata wa Mwilu, mu Lijina lya Mwata Yesu, tuhane, Mwata, nge mu Lijina lya Yesu Kulishitu, nge Shipilitu Wajila mwaya nakwiza ufukuuno, ha Sateli naufuku, kuze Shipilitu Wajila aholokele nge kuhuhwa chapeho yayinene. Echa ava vathu vapwenga vakujimika mu Shipilitu Wajila. Echa Kakahya na Ngolo ja Kalunga kanda kuvaseza vakiko. Kachi vakiko vali hano muchimene, echa vakiko vatwame, twama palanga nomu Shipilitu Wajila mwakeza.

<sup>226</sup> Echi chikiko chishinganyeka! Mukiko kaha! Mukiko chili. Ou ikiye Shipilitu Wajila kwiza. (Ngunalingi echi. Ngunatachikiza chize.)

Mukiko kaha. Fwelela Echi jino! Chitavile Echi! Pwako wakuzala na kukisula Chenyi. 🐦

64-0411 Kavulya ka Mushipilitu  
National Guard Armory  
Birmingham, Alabama U.S.A.

LUVALE

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)